

MUNYAKO O KUMBANI



Ni itumezi, Muzwale Neville. Ni itumezi. Ki nto yende hahulu fa kukuta mwa Ndu ya Mulena. Ni ikolanga hahulu kamita fa ku kutela mwa tabernakele, hakuna taba kamba Ni ya kai. Kuna ni sesiñwi mwa sibaka sesi nyinyani se seo Ni tabela kukuta kusona. Ki feela, oh, Na . . . Neli keleke ya ka mi yapili ye Ni kile na lisa. Mi ku bonahala feela hande kukuta kwanu hape. Mi Ni lumela kuli ka kakusasana omunde tuna wani fo lizazi ha lika hana kutuka ni linaleli li tima liseli azona, Na sepa kukaba babañwi babazwa kwa tabernakele ye kwani zazi lani, baba tapile mwa Mali a Ngunyana. Ni libelezi nako yani.

² Ha Ne nitaha mwa hali onafa cwale, Ni kopani ni Kezeli Arganbright kwa mulaho kwani. Mi na ni bulelela kuli neku nani batu kwanu bene ba kwa mukopano waba Kingston, wokile waba teni ka nako yeñwi, mi Na . . . yona . . . ki tabo luli yakuba nibona mo kakuba bupaki. Kaufela koba inzi, haiba baka nanula mazoho abona mwa halimu, bene bali mwa mukopano wa Kingston mwa Jamaica. Feela, eeni, kwani kwa mulaho. Ku likile, zeo ki zende.

³ Ni bona kadi ya kuposita ya Oral. Na sepa mu zibahalisize kale za mikopano ya hae. Ne nisa zibi ka zona kufitela, ona mazazi, kufitela maabani. Na sepa ikala kala sikisi, nji cwani? Sikisi kuisa kala fifitini, Muzwale Roberts mwa Louisville. Cwale, muzwele teni muyo muutwa. Muzwale Roberts ki mu—mu mulikana ka wafa sifuba, mi ki mutanga wa Kreste luli. Mi Na sepa muka ikola likutazo za hae, busihu ni busihu. Mi ka . . . za hae, ha nza lapelela bakuli, Ni—Ni sepa kuli muka bona Mulimu ha zamaya, kakuli yena ki ndume yo mutuna wa tumelo, Muzwale Roberts ucwalo, mi ki muuna yo Mulimu aituisa ka mata luli. Mi bulumiwa bwa hae bu pahami kuzwa . . .

⁴ Na hupula hane Ni kopani lwa pili ni Muzwale Roberts, na inzi mwa tende yenyinyani kwa St. Louis, Missouri, mi Ne nili . . . batili, Kansas City, Missouri. Mi Ne nili mwa Kansas City, Kansas, mwa muyaho. Na inzi fa sipula sakwa pata. Hasamulaho sebelezo i mano fela, neluile kwa mulaho mi nelu ikambota. Neba ni zibahalisize ku yena. Yena ki mwanana nyana ku Na; Oral uzamaela mwa lilimo ze mashumi amane cwalo. Mi kacwalo sali, “Kana unahana kuli Mulimu uka utwa tapelo yaka ya bakuli?”

Ne niize, “Muzwale, Yena u utwanga tapelo ya mutu kaufela yaka lapela.” Kulukile, kiha kala cwalo, mi ali, “Kina yo Ni ile!”

⁵ Mi yena ki muuna ya butali, ni muituti wa tuto, lilimo zene za ku ituta minahano, mi Na sepa yena ki—yena ki muuna

ya bunangu. Mi ufutile fa sibaka cwale fo ana ni sikwata sa baelezi baba mu tingulukile, ni lika, kufitela, ha bulela, u—u nahanela kwande. Mi kaniti mu kayo ikola yena, Na sepa.

⁶ Mi kacwalo cwale Ni bata kufa piho nyana ka seo Mulena luna naezize mwa mukopano waluna o munyinyani mwa Jamaica ni mwa Puerto Rico. Neli nto yenca yene Ni fitile ku yona, kakuli lipizo zeñata nelinze litaha. Sina Leo kwanu haziba, kuli luwaile...Mi mwahala sunda, kuna ni libaka ze mianda ze bizanga kwa mikopano. Kono ibo Ni tabela ku ikutwa kuba ya etelwa ko Ni lukela kuya, sina cwalo. Haiba Niya kakuli mutu uni lumezi kuli niye, fohe Ni kaya ka libizo la keleke yeo kamba katengo kao. Haiba Ni ya kakuli Muzwale Neville uize Ni zamaye, Ni ka ya ka libizo la Muzwale Neville. Kono Ni tabela ku yanga Jesu ha luma, kacwalo mukaya ka Libizo la Mulena Jesu, kuyo kopana ni batu.

⁷ Mi Ne ni lobezi fa mumbeta, mi Ne ni katezi nyana. Musindi wo, onafa kamba kasamulaho nyana, Ni ka siya musindi wo, kakuli uni tibanisanga feela fa mumizo kufitela mane ha Ni sakona ku itiisa. Na kona kuba kwahule ni kuyo kuta...Ne lutile zazi leliñwi, Leo ni Na, ka limaele ze mashumi amane, kasamulaho wa kuba mwa masa kwa Florida, mumizo kaufela ukwaluhile, mi mwahala limaele ze mashumi amane za Louisville wa tuhela hape. Muzwale Banks Wood ulukela kuba mo kokuñwi kakusasana cwana. Mi zazi leliñwi hane ni zwa kwa Kingston ni—ni Puerto Rico, ko mimizo yaka neibile feela hande; mi Na to tuluka mwa fulai, isali ye iketile; mi lusika yofita kale kwa Jeffersonville, ya tibana hape. Mwabona, ki musindi wa kwanu. Ki likokwani mwa mbyumbyulu, kamba mwendi ki Mulimu, alimuñwi, ya lika ku niisa kwahule. Kacwalo, ha Ni—Ni utwisisi zateñi. Ni lapezi ni kukupa linako zeñata luli.

⁸ Kono, kwa neku leliñwi, Ne ni zuhile feela, neli kwa ma sili kiloko kakusasana. Mi musalaka ni mushimani neba lobezi. Mi kiha Ni zuha kwa tuko a mumbeta, mi Na bona batu babañata bene ba kopani fa sibaka sesituna, mi Nali ku Billy Paul, “Uye kwa batu bani ubafe makadi a litapelo.”

⁹ Mi kiha li, “Kihona, tate.” Mwa mizuzu yelikani akuta, mi ali, “Ha mukoni kufa makadi a litapelo kwa batu bani.” Kiha li, “Mwa bona muuna yo ya yemi fa?”

Se nili, “Eeni.”

¹⁰ Yena ali, “Na liteni fa, mi se Nili, ‘Mutu kaufela ya bata kadi ya tapelo, ananule lizoho la hae.’” Mi ali, “Ne ni ilo mufa kadi ya tapelo, kiha saya ku sili. Mi cwale kiha Ni ya kwani, mi aya kwa sibaka sisili. Cwale kwanu seli kwa mulaho kwanu.” Ali, “Ni palezwi kufa ni haili kadi ya tapelo iliñwi.”

¹¹ Se nili, “Kulukile, Billy, hauna ku fa makadi a litapelo, kakuli kuna ni sibaka sesi tuna hahulu kwanu kuli mutu

kaufela wakona...” Makadi a litapelo ki a kubuluka musunga...mwa bona, ni kuba beya mwa mukoloko. Se Nili, “Oh, Na kona kunga mutu kaufela kwani, haki babañata kufita baba liteni mwa sibaka se Ni nani, ni kuba yemisa cwalo kuba lapelela alimuñwi ka alimuñwi.”

¹² Mi kiha li, “Ku lukile.” Mi asikuluhela kwa silyo ni kuya kuzwa kuna. Mi kiha Ni sikuluha neku *le* hana nze aya cwalo nzila *yani*, mi neni mutalima.

¹³ Mi Ne ni utwile Linzwi lelizwa kwa Lihalimu, mi lali, “Kono haili ka nako ye Nika kala ku kuhulisa.” Mi Na talima, mi Ne nisika bona kale sicaba sesituna cwalo, neba filika kuzwa kai ni kai.

¹⁴ Mi libizo la Muzwale Roberts neli bizizwe, ali, “Cwale Muzwale Oral Roberts wataha ku to mibona.”

 Mi se Nili, “Ni ka lumelisa cwani Muzwale Roberts?”

 Ali, “Ka mukwa feela waka ku lumelisa kaona.”

¹⁵ Kulukile, Ni boni Muzwale Roberts inza taha akabile suti ye nsu, ni kuwani ye nyinyani sina Bing Crosby mwa tinelanga, mikwa yani ya ku futula ni ku hohela mwatasi, kuwani ye nyinyani ye nsu. Mi ne Ni yemi cwalo, mi atalima ni kubulela kuli, “Lumela, Muzwale Branham.”

 Mi se Nili, “Lumela Muzwale Roberts,” kuswala lizoho la hae.

 Ali, “Una ni sicaba sesinde.”

¹⁶ Se nili, “Ki sicaba nyana, Muzwale Roberts.” Mi kiha sikuluha aikela sina Billy mwana ezelize, kwa silyo.

¹⁷ Mi se Ni hupula, “Ni ka ambola ni bona kuzwa kai?” Mi ne Ni likile ku fumana sibaka sa ku bulela. Ne nili mwa muinelo wa kuli, sesiñwi fafasi, kuli Ne ni saboni ko—ko ni lukela ku bulelela teni.

 Mi yomuñwi ali, “Kulukile, aku tahe kwanu.”

¹⁸ Se Nili, “Kulukile, hamukoni ku bona hande kwani.” Mi se Ni kala kuya kwateni. Mi Na hupula se cwale, Na li, “Taba feela yeli kuna ki kuina ya ikokobelize mwa pilu, kamita, fapila Mulimu ni bana ba Hae.”

¹⁹ Mi Na zwa mwa pono. Mi Na hupula, “Kana sani sitalusañi? Mwendi si talusa kuli luka ba ni zecwalo...Kamba kikai ko kuna ni—kikai ko sikabela?” Mwa bona, fokuñwi, mwa lipono, Ha na ku kubulelela kuli kikai, ko Uka—Uka bulela feela mi wena ueza...Si mwa linguli, cwalo. Na sepa mina mubalanga Bibebe mwa utwisisa cwalo.

²⁰ Mi Na tokena mwa muzuzu wa kwa pili ni kuyoina nako nyana, mi neli kwa mahafu sili kamba fo kiloko ya kakusasana. Ne ni lobezi luli. Ne ni kutile kuyo lobala, mi Nato lola tolo, mi neli tolo ye ipitezi luli. Mi buñata bwa

mina kaufela mwa ziba alimuñwi wa bazamaisi, Jack Moore, Muzwale Jack Moore. Ni mu zibile fa lilimo nyana. Ne ni hupula kuli mwendi Ni zamaya ni mwana hae wa musizana, musizana wa lilimo ze lishumi ka zesupile za kupepwa, mi neni musweli kwa lizoho, ku muisa fa halimwa lilundu, Jackie yo munyinyani. Kulukile, Ni muzibile isali kwa bu mbututu bwa hae. Mi Ne ni mu kambamisa fa lilundu, Mi Naya libima zetalu ku kambama lilundu, ku zamaisa musizana yo. Mi selu taha mwatasa kota yetuna, mi aina fafasi. Mi sina moba tinelanga likoci zani basizana ba banyinyani kacenu, mwa ziba, ze tuna cwalo, mi ni yena na tinile silisiñwi sa likoci zani. Mi ki ha nga sikoci sesi nyinyani se ku si putulula ni kuina fateñi. Mi sina bana baba nyinyani lunze lufalimani, aputa mazoho ahae sina *cwana* ni kukala ku talima mwa halimu. Kulukile, Jackie ki musizana yomunyinyani yomunde hahulu, kono una ni mulomo omutuna ni meto amatuna, ni milili ya lyaci, yesa bonahali hande, kono ki musizana wa luli yomunyinyani. Mi Ne ni talima meto ahae amatuna hana talimile mwa halimu, mane ni mbyumbyulu mone i bonahalela mwa meto ahae.

²¹ Kulukile, se Niya ka mihato i ketalizoho kuzwa kuyena, mi niku yoina cwalo kwa tuko sina *cwana*, ni kuto nga kakota kuka beya mwa mulomo, ni ku kala kutafuna kakota ka. Mi Na kala ku nahana, “Ki sikamañi se Ni eza kwa halimu kwanu? Kiñi, na muuna muhulu, ni musizana yomunyinyani yo. Kiñi,” Se nili, “Ni nyezi mi ni bana babañata. Hanina za kueza kwa halimu kwanu ni musizana yo.”

²² Mi se Ni kala ku nanuha. Mi, ane Ni nanuhile, Linzwi lato zwa mwa kota, mi lali, “Se kika sisupo ni ka libaka.”

²³ Mi kiha Ni zuha, mi Ne ni se nihuwile, kuba—kuba tolo. Na hupula, “Oh, hanizibi haiba sani si talusa kuli Ni ka ba ni kuwa kamba sesiñwi ku ezahala ku na? Kulukile,” Na hupula, “haiba Ni ka lika kuitusisa ngana yaka feela, fohe kipeto Ni ka lyangana, kacwalo Ni ka libelela feela ku Mulimu.” Mi se Ni kala ku lapela. Na li, “Mulena, kana tolo ye i zamaelela ni pono yani ya kakusasa kacenu, kamba italusa sikamañi?”

²⁴ Kasumulaho wa ku libelela nako nyana, mwendi hola cwalo (Musalaka na sa zuhile kale mi ni mukushuko ulukile kale.), mi Linzwi la taha hape, mi lali, “Zamaya kwa Kingston, mi uka yo bulelelwa kwani za kueza.”

²⁵ Kacwalo, kapili se Ni ya kwa Kingston. Mi bona—bona neba zibile la Bune musihali kuli Ni ka ba kwani la Bufaifi. Yani kona papazo yene lunani. Na hani yaziba hande ka za kueza . . . ? . . . kamba kuakaleza buñata bwa batu, kakuli kamita Na fitelezanga. Kono busihu bwa pili, Ni kali neluna ni mwendi ba lishumi ka bababeli, oh, batu baba mianda ye lishumi ka amabeli, kwande, kakuli neku zibahalile feela ka zazi lililiñwi. Mi ka leli tatama bakala ku taha bamati inze ba mata limaele

zene, fa ku tambeka, baba inzi fa lilundu. Mumati alimuñwi namata ka liholo zene, mi bamati babañwi ba pahami lilundu. Mi busihu bwa bubeli nekuna ni baba eza liliki ze lishumi ka zepeli. Mi busihu bwa bulalu mwendi nekuka kulubelwa likiti ze lishumi ka zeketalizoho, mwendi mashumi amabeli. Mi nekuna ni likiti kiti zeñata zene tile ku Mulena.

²⁶ Mi haili pono, neli keleke ye nyinyani, musizana neli mwalyanjo, ya sali mwana, mi sani ne si talusa bwalyanjo bwa keleke. Mi libima zetalu za ku kambama lilundu, neli mazazi amalalu one Ni ka kutaza. Ni kunga keleke yenyinyani ya mwalyanjo ka bulumiwa bwaka, kuzwa kone inzi, kuisa fa halimu mwa lika za Mulimu, kufitela ha i nyanganyisa sooli kaufela.

²⁷ Mi, oh, bakutazi ni batu hamoho, kulila ni kuku kupa ni ku susueza, “Ka busihu buli buñwi kamba amabeli hape,” baokameli ba muleneñi.

²⁸ Ne lu zwile kwani kuya kwa Puerto Rico. Kwani lwa yo kopana ni tulo, ye tuna, mi baba eza likiti zeñata ka likiti-kiti neba yemimize limota, konji ha kutofita mioya ye eza likiti ze mashumi amane kuipa ku Mulena Jesu. Mi ona fani, Na sepa Na. . . Ni bulela se kwa keleke yaka, kono ne Nisa koni kubulela mwahala batu, ili ko kusina batu ba mwa hae, kakuli sakona ku talimwa kuba mafosisa. Kono Ni na ni libizo la muatuli kwanu fa pampili ye, yana file manzwi nyana hane lu laeza, ona kwanu, yena ni sikwata sa hae.

²⁹ Mi Na. . . Yena—yena ali, “Lu teebile mwa sooli fa kuba ni bakutazi baba shutana.” Ki hali, “Fani Bo. Billy Graham basa zo zwa feela mwa sooli mazazi nyana,” mi ali, “ne luna ni—ni mukopano wa kanya,” kiha li, “kono Billy Graham u lutiselize feela Evangeli ye lubile lu utwa kamita.” Kiha li, “Mi nelu teebile kuba ni Bo. Roberts mwa sooli,” kiha li, “mi Bo. Roberts neba lufile mukopano omutuna wa mazazi amalalu. Kono,” ali, “lisinyehelo neli zetuna hahulu mwa hotela,” ali, “neku felezi ma dollar alikana fa likiti zemashumi amalalu ka ze ketalizoho fa masihu amalalu, kwa lisinyehelo za hotela.” Kiha li, “Mi Bo. Osborn nebali kwanu, yene li mutanga wa Kreste yomutuna. Kono,” ali, “fani Bo Osborn hane baile, nekusina zene siyezi,” ali, “neku bonahala kuli lika kaufela neli icongile.”

³⁰ “Kono,” ali, “lu lemuhile mwa mukopano wo kuli nekusina mutu ni yomukana kwa pata kuli Muzwale Branham a lapelele. Kono,” ali, “kasamulaho li sebelezo limana kufela, nelu kopanyize limota za lipula za kale ni tutengo ni lika kaufela, kuzwa mwahala sicaba.” Kiha li, “Ne si mutu ka nako ye, Mulimu na lutezi,” a bulela.

³¹ Se nili, “Musike mwa kulubela litapelo zaka; kono litapelo za mina kwande kwani, mu beye mazoho amina ku mutu ni

mutu.” Mi neba kona kutisa mwendi baba lishumi ka bababeli kamba bababeli kwa pata, mi, fani temuho hane i shetumuka, batu neba huwaka feela. Ne luinzi mwa hotela ya bafumi luli, ni ku lifa lisinyehelo zaluna kaufela ni linzila, luna bañi.

³² Ne mutusize ka kufeza cwalo, mina, ka za bu lishumi za mina ze mu ni lumelanga. Kona zene belekile. Mi Ni bata muzibe kuli, kuzwa ku zani kaufela, muna ni sibaka sa zona. Mi mwa lizazi leli kanya lelituna leli taha, Mulimu uka mi yoliseza sani. Mwabona, ne musika ba . . .

³³ Haiba mutu ka bu yena aya kuyo eza sika, fohe, mwa bona, mutu yani hasaile, ba hupula kuli, “Uba kutiselize mwatasi, Mulimu ulu siile.” Mulimu ami siyangi. Uina ni mina kamita. Mwabona, ki ku mina mane inge sika kaufela, sina mutu kaufela. Mulimu wakona ku itusisa mutu ka bulumiwa bobuñwi, kono sani hasitalusi kuli mutu yo una ni sa kueza ku Mulimu. Ki tumelo ya hao ku Mulimu.

³⁴ Mi nebaya kwande kwani mwa tukotana totunyinyani twa kale twa mawili, tone balwalanga sina tukotana twa li mbututu twa mawili, mi—mi ku panga mabala, ni ku lobaza batu fateñi ni kuba pikuluseza mwahali. Mi kasamulaho sebelezo i mano fela, limota kaufela za takano neli zwa mwa nzila, nebaya ni likocikala ni kuina mwa lingolobani ni lipula zetuna za kale, ni tutengo ni tumbeta ni bulobalo, ni ko neba lisiile ba itamaela ni ku ikela, bakeñisa kuli Pata ya Mulena neili teni. Sani kona selu bata ku bona. Fohe kipeto mutu hasali yo mwa siswaniso, Mulimu wa zamaya.

³⁵ Fa kukuta, ili kutusa feela kakusasana cwana, Ni ka bulela ka mizuzu yelikani. Mi Ni kupile bashimani kuli ba sike ba hasanya tepu. Mazazi amalalu Ni likile ku nahana ka tata, “Ki sikamañi se Ni ka bulela fateñi?” Mi kakusasana cwana, Ni sika ya kale, Na utwa temuso ye tiile luli ya keleke mwa pilu yaka. Mi Na ba bulelela, “Munge matepu, kono musike mwa afanisa kwa ku lekisa.”

³⁶ Kono lusika eza kale se, Ni bata ku mifa bupaki bo bunyinyani, kuli bu mi utwise hande. Ne bu ni utwise hande. Ne luile kwa kuyamba musipili wa mazazi amalalu, Leo ni Gene ni na, ni mwanaka Billy Paul ni musala hae, kwani ku mulikani yatahanga kwa tabernakele kwanu, yazwa kwani kwa Georgia. Mi ba luisa kwa lisa leliñwi, ha Ni sa ziba kuli seli li kai cwale, bukaufi ni Okeechobee kamba sesiñwi cwalo, ha Ni zibi libizo leo ma Seminole Indian ba lifile. Kono, niteñi, nelu li kwahule ka limaele zeñata.

³⁷ Mi Muzwale Evans yo, munyana hae muzwale ki muezza libi. Mi yena ki muyambi yomutuna luli, mi naile kwa masa likweli nyana zefelile. Mi bana ni seba biza kuli “kabanze kamwa mubu.” Mi kabanze ne ka mulumile, mi na pilile nako nyana feela. Liutu la hae la luluha, mi ba muisa kwa baalafi

ni kuyo mutaba lindonga. Lika zani za bulaya. Mi bana ni lihahabe zeñata kwa mulaho kwani hape, lihahabe, ze swana sina likatulo, lihopani ze fita fa butelele ka liñokolwa ze mashumi amabeli.

³⁸ Mi hane lunze lu yamba kwa mulaho kwani, Ne ni sweli lingweshi zeñata. Oh, neli lizazi lelinde la—la ku katuluha. Mi neli yetuna Ne nisa koni kuicimbula mwa mezi, mi ya namulula feela kashuto ni ku ikela, kamba ku itukulula isali yona. Mi neluna ni lingweshi zeñata, mwendi lipaundi ze mwanda ka mashumi aketalizoho a lingweshi zetuna. Mi zona, zeñwi za kuzona neli ze bukiti ka lipaundi zetuna, mi kuzwa fa lipaundi zene kuya ku ze supile, lipaundi ze ketalizoho ka zetalu. Mi Na swala ona yetuna ye, mi ya iposhola.

³⁹ Mi Na yumbela kwa mulaho, mi Na—Na swala yeñwi, mwendi yelikana lipaundi ze silezi, lipaundi ze supile. Mi Ne nina ni lutaka lolu telele lone muka swala fa halimu amulilima. Mi Muzwale Evans na nani. . . Kaufela luna nelu kolobile ku capwaela mwa mezi, kakuli ki sitindi feela. Mi na tubuzi likatulo za hae ni kushuñā malukwe ahae kwa mautu, mi nainzi kulo fone kuomile, ili kuomisa liapalo za hae. Mi abona tapi tuna ye inze itundana mwa macacani, mi Ne ni sweli ku capwaela ni mulatelela. Kiha li, “Fa muzuzu feela, Muzwale Branham, Ni ka kungela yona.” Mi amatela kwateni. Mi Ne ni hohile kale, ni sepa mwendi tapi ya teni nese ibulailwe, i lobezi mwa mililima. Mi yena amata ku yo i nanula. Mi, hana i nopile, ato huwa, ni cwalo akuta. Kabanze ka to muluma.

⁴⁰ Mi lwa i talima, mi neku nani musima wa meno mwa liutu la hae fone ka mu lumile Kabanze, mi na utwa butuku hahulu maswe mane konji mioko aiengaenga mwa meto a hae. Ali, na utwile kuli inge masapo ahae na omelela. Mi ne luli fani, limaele zeñata kwa buse bwa lisa. Yena ki muuna yo mutuna kuli afunduka. Mi cwale noha ha ikuluma, ukaba ya kula ka mizuzu yenyinyani kufitela ubata ku shwa. Mi Leo na yemi inza liteni. Mi sesiñwi sa taha mwa munahano waka, “Wena usali Mulimu!” Mi fani hana sweli liutu la hae inza li kumalezi, ni misima ye mibeli yani ya meno koo Kabanze neka mulumile, Na beya mazoho aka fateñi mi nali, “Mulena, ku ñozwi mwa Linzwi la Hao, ‘Baka hata litho za linoha ni tubanze, mi hakuna sesika ba holofaza.’” Mi ona fani feela, butuku kaufela bwa zwa mwa liutu la hae. Atina likatulo za hae mi ayamba musihali kaufela.

⁴¹ Lwaya busihu bwani mi lwa yo ba zibisa ka zateñi, bona bali, “Mwendi mu yo bonana ni mualafi.”

⁴² Kiha li, “Haiba Mulimu uni silelelize kutofita fa, Uka ni babalela ni ka ze siyezi mwa nzila.” Ne lufelize mazazi amalalu, kusina litaba ze maswe ni hanyinyani.

43 Mulimu u sali Mulimu. Yena ubulukanga lisepiso kaufela. Mi mwa bulumiwa bwaka kaufela, yani kona nako yapili hani kile Ni bona Mulimu kutaha bakeñisa kulumiwa ki noha, kakuli neli lwa pili ha Ni lapelela mutu ya lumilwe ki noha. Ku mi tuhela ku ziba kuli Yena wa buluka lisepiso za Hae, mi Manzwi a Hae ki amande mi ki aniti. Amen.

44 Muhupule li sebelezo busihu kacenu ni la Bulalu leli tatama le. Mi mulapelele mutu cwale ya lukela ku lapelelwa, yani kina. Mi, muhupule, mube kwa mukopano wa Muzwale Roberts hauka toba mwa tolopo, mi mumu lumelise kuzwa kwa tabernakele.

45 Lusika bala kale Mañolo, Ni—Ni tabela kuli lu yeme fa muzuzu feela. Mi, kusina li limba, ha lu opeleñi kapina ka makutela kaufi kamba totubeli twa pina yende ye ya kale, “Tumelo Yaka I Talimela Wena.” Ku lukile, mutu kaufela aopele hamoho nina cwalo, mi halu i opeleñi. Mi musike mwa iseza ngana mo mu opelela, mu iopele feela kwa kanya ya Mulimu. Kana wa kona ku luka lela yona sha, Muzwale Neville?

Ni ta lima Wena,
Ngu nyana ya Kalvari,
Mu pulusi;
U utwa Na lapela,
Zwi sa sibi sa ka,
O ku zwa kacenu
Ni be wa Hao!

Ha ni nze Ni pila,
Mwa ha la ku nyanda,
Ee Te lela;
Fi fi be lizazi,
Ta ku la, mioko,
Si ike na latehela
Kwa Hule.

46 Ha lunze luinamisize litho zaluna, Ni tabela kubala mwa miñolo ye kenile ya Bibe, Mulumiwa Mateu, kauhanyo yabu 7, li timana za 13 ni 14. Mi Mulena aekeze limbuyoti za Hae zeñata halunze lu Ibalu.

Mukene ka munyako o kumbani: kakuli munyako uatami, mi nzila yeya mwateñi iatami, yeisa kwa sinyeho, mi ba bakena mwateñi ki babañata:

Kakuli munyako wa kumbana, mi nzila ki yesisani, yeisa kwa bupilo, mi kiba banyinyani baba i fumana.

47 Halu lapeleñi. O Mulimu, Yana zusize hape Mulena Jesu kwa bafu ni kuzwa mwa libita, mi ulu tiselize Yena kakusasana cwana kuba Sitabelo sesi pila, lufa bupilo bwa luna ka buikokobezo ku Wena sinca, ka mihupulo Yo ka lu hupula ka yona. Ha ne lu sali baeza libi, kushwela mwa sibi

ni mwa bumaswe, No lumile Mwana Hao wa libanda, aeziwa mwa sibupeho sa mubili, kuli abe tifo ya libi za luna, kuli Ya sina mulatu, anyandele lifosi, kuli alukutise hamoho mwa kutwano ni Wena.

48 Mi, O Mulimu, haiba ku na ni sibi mwahali kuluna ka kusasana wo, sika sesi kona ku tabela Moya o Kenile kwa ku lu tiseza Liñusa la Mulimu kwa lipilu za luna, lu lapela kuli, ka ku ikokobeza, Mulena, U lu swalele milatu ya luna. U lukenise ka Mali a Mulena Jesu. Yoo. . . Yelu ziba, mwahali kuluna, ha lu sesiñwi, mi lubulela kuli halu sesiñwi. Kono Wena u kenile, Wena uwa niti, Wena uya lukile, Wena ki wena Liweluwelu luli la sishemo. Mi lwa hohoba hamoho kacenu ka buikokobezo, sina mioya ye kona kubaka. Sina bupaki bo bu bulezwi nyana fa, ili kuzwa kwa Jamaica ni kuzwa kwa Puerto Rico, ni kafo Ubelekezi limakazo zetuna zani, O Mulimu, ki sisupo sa kutaha kwa Ya Lukile.

49 Mo No tamululezi Muzwale Evans kwa meno a buhazo bwa noha yani, kakuli nali mulumeli, mi Manzwi a Hao ki a niti kamita. Cwale, Mulena, ulutamulule kuzwa kwa buhazo bwa lifu kakusasa wo, ko sila alulumile ni ku siya buhazo kuluna. Mulyani wa Hao ofolisa, kakusasana cwana, Mulena, ukolobise mioya ya luna ni ku lukenisa kwa kusa luka kaufela. Ufolise matuku a mibili ya nama a taselizwe ka mata a sila. Kaufela bao babali fa Pila Bumulimu, aba foliswe.

50 Bulela ku luna cwale ka Linzwi la Hao leli ñozwi, Mulena. Lu sa zibi sa ku bulela, kono Wena uka lufumanela sona. Mi Ulu lumuse, Mulena, mi ulu lukiseze Kutaha kwa Hao. Kakuli lu kupa se ka Libizo la Jesu ni ka bakala Hae. Amen.

51 Ni mutu ya liyehanga nyana kamita, kakuli Ni libelezi cwale. Mi sikolo sa la Sunda, Na sepa, si felile. Kono ku na ni sesiñwi ka sona, ha Ni tahanga kwa lapa Ni ikutwanga feela inge Ni na ni nako yeñata. Mwa ziba, lu matisa hahulu lika, nihakulicwalo. Kacwalo, lu ka lumela feela Mulimu.

52 Mulena luna nafile mamela ye tiile ye kwa sicaba sa lusika lwa Hae, batu bene bali ba bulapeli hahulu. Mi ki Hali, “Munyako wa kumbana, mi nzila ki yesisani, yeisa kwa Bupilo, mi ki baba nyinyani baba I fumana.” Cwale, nesi kuli nebasi ba bulapeli. Nebali ba bulapeli hahulu. Mi kakuli neba sepile mwa keleke ni mwa lituto zeñwi ni mwa likopano, mi neba lumezi (kuisa fa kuli) ku Mulimu, neba hupula kuli lika kaufela nelili hande. Kono Yena aba bulelela kuli ku ka kena baba likani feela.

53 Mi Na kakanya kakusasana wo haiba Ni tokwa ku swanisisa lusika lwani kulo. Mwabona, neli ka ku kwala kwa linako za ma Juda, mi Na sweli ku swanisisa ku zeshutana ni kufela koku shutana kwa masika a shutana, mi na sweli ku ba

bulelela kuli zona lika ze swana zene eza halanga mwa linako ze fitile neli ezahala fa pila bona. Mi ba palelwa ku li lemuha. Mi ha lu boneñi lika zeñwi kuza Na ambola ka zona.

⁵⁴ Bona, ka mutala, neba sa lumeli kuli Mulimu nali ku Mutu yani. Sani neli sona si sitataliso tuna sene ba lukela ku pahama, neli kuli Yena kakuba Mutu Aikeze kuba Mulimu. Neba saboni mo Mulimu na pila mwa mubili wa butu. Mi ni mwa masika kaufela, mwa linako kaufela, Mulimu ubile apila mwa batu. Mutu ki sisebeliso sa Mulimu. Mwa lusika kaufela, Mulimu ubulelanga kwa batu ba Hae ka milomo ya batu. Uketanga sika kamba mutu Ya kona kuitusisa.

⁵⁵ Mi A ba supeza, kakuba si sitataliso sesi cwalo, kaza Abrahamama. Mi ali, kuba bulelela, “Haiba mu ipiza kuli mu ‘bana ba Abrahamama,’ Abrahamama yena ‘ndata,’ mina naboni lizazi la Ka mi anyakalala halibona. Abrahamama, mu polofita.” Mi ha ku kakanyiwi kuli Jesu naba supeza kuli Na ba kolwisa kuli ki Yena Mesia, kakuli sisupo sa Mesia nesi Mu latelela. Mi ne kubile ona cwalo mwa masika kamukana, ili, sisupo sa Mesia. Kono ibo Yena ka kuikeza Iliyena kuba Mulimu, yena Mesia Kasibili, sani ne si ba sitatalisa. Ne ba palelwa ku utwisisa.

⁵⁶ Cwale, fani Abrahamama (yene ba biza kuli ki ndata bona) na kopani ni Mulimu, Nali hape mwa nama, kakuli Nacile nama ya komu, nacile sinkwa sa mbonyi, ni kunwa mabisi, ni batta, fa pila Abrahamama, mi ibo Na li Mulimu. Abrahamama a Mu lemuha, Mulimu, mi a Mubiza “Elohim,” yali Jehova ya Mata. Mutu Ya tina liapalo, ni liluli fa Mubili, ni kuina mwatasa kota, mwa muluti, ni kuca nama ni kunwa mabisi. Mi Majuda bani, ba lipilu seta, baitati, ba kuluka kwa ku ikezeza neba sa lumeli kuli Wa kona kuba Mwana wa Mulimu, mi ba biza Abrahamama kuba ndata bona. Mi Na ba bulelela kuli bazibe kuli Na sweli kueza lika ze swana, mwa mubili wa Hae, zeo Mulimu naezize mwa mubili omuñwi ha Na kopani ni ndata bona, Abrahamama. Mi Abrahamama na lumezi. Kono bona neba sa lumeli.

⁵⁷ Mwa bona, fani Abrahamama mi nainzi mwatasa tende ya hae kakuli nabile ni buiketelo, mi buiketelo bwani bu tisizwe fa pila mutu ni mutu ya pepilwe mwa lifasi. Kota ya bunde ni bumaswe itomilwe fa pila mutu ni mutu. Mi fani Lota, mwana kezela hae, mi ba lisana ba bona bakala ku kananela mibu ya bona; Abrahamama, kakuba mutu ya lukile, ali ku bona, “Ku sike kwaba ni likomano mwahala luna. Aku iketele nzila ya hao yo kaya.” Sibaka sani sa tahanga mwa bupilo bwa mulumeli kaufela. Mi si fapila mina kakusasana cwana, mi si fapila ka.

⁵⁸ Lota nasika hupula kuli uka yo wa, kono nailo talima kwa Sodoma ko lika neli ze bunolo. Mi kuna ni linako zeñata hahulu fo lu talimanga kwa lika ze bunolo. “Nika i kopanya ni ba keleke ya kuli-kuli ba, mi, mwa bona, hakuna mutu

yaka bulela se si maswe ka sona, kakuli kona keleke ye tuna nikufita mwa muleneñi.” Nzila ye bunolo! Linako zeñata lu ezanga cwalo, ki fani, halu fosize!

⁵⁹ Muhupule, haiba mu latelela Kreste, muka toiwa ki batu, kakuli bao kaufela baba pila ka bumulimu ku Kreste Jesu baka nyandiswa. Mi ha mu taha ku Kreste, ha mu tahi ka keleke kaufela kamba ka kopano kaufela, kamba tuto kaufela. Mu kena ka Mali, yani kona nzila feela inosi ya kukena kayona. Mi hakuna yemu kona ku kena ni yena, mukena munosi ni kuyema fa buipuleli bwa mina ni tumelo ya mina. Ha una kukena mwateñi ka mulisana, kamba ka tumelo ya bo maho. Utaha kakuba unosi ha utaha ku Mulimu! Mi linako zeñata lu ezanga buiketelo bwa bukuba bwani.

⁶⁰ Kucwañi haiba Lota, fani hana boni lika kaufela kuba ze bunolo...? Na boni kone kuna ni masheleñi amañata ni kabubo ka hahulu, kakuli naka ba mueñi, mi neli mutu ya butali, ya itutile, ana ni zibo ya butu yeñata, mi nakona kueza lika zeñwi kono inza buluka bulapeli bwa hae. A hupula, “Ni na ni tumelo ku Mulimu, kacwalo Ni kaya feela kwa Sodoma mi Ni—Ni yo ipumanela feela masheleñi amañata, mi Ni ka ba muuna yomutuna, mwendi mukutazi yo munde.” Mwabona, muna ni buiketelo bwa kueza.

⁶¹ Mi keleke inani buiketelo bwa kueza. “Ni ka ya kwa keleke yeñwi ye. Oh, mutu ni mutu mwa tolopo unahana kuli ye kiyona yende! Kiñi, mubusisi wa muleneñi utahanga kwa keleke ye.” Cwale, wakona kuba wa keleke ya habo yende luli, kono niteñi mulukela ku atula keleke yeo ni batu ba yona ka Mañolo. Fokuñwi bayanga teni bakeñisa kuli ki nzila ye bunolo, ba—ba batu babaya teni ba apalanga hande baba yanga kwa libaka zeñwi. Mi fani kona fo lu ezezanga ma—ma fosisa amatuna. Cwale mulemuhe se.

⁶² Mi Abrahamama, taba feela yana kona kueza neli kuba ni buiketelo bwa bubeli. Mi fokuñwi keto ya bubeli ibanga yende kufita ya pili, haiba i ngiwa cwalo. Mulemuhe, neku sikanga nako, fo Lota habona muleneñi omutuna, na sika bona musala hae hafetuha kuba lizwai, nihaike, nasika bona mulilo ha ucisa muleneñi. Kono Abrahamama naile musipili hamoho ni ba banyinyani baba kendilwe ba Mulena. Na pilile mwa lihalaupa.

⁶³ Mi, ibo, kucwañi kambe Sarah na kali... Cwale muhupule, Sarah neli musali yomunde hahulu ka kufitisisa. Ne ku si na musali yomunde sina Sarah. Mutu kaufela, yana mubona, na mu tabela ka lilato. Cwale, ka mo ne ku kabela bunolo ku Sarah kunga mufuta wa keto yani. Kono aketa ku pila ni Abrahamama.

⁶⁴ Oh, basali, musike mwa lumeleza diabulosi ku mi fofuza, kuba ba kabubo ni ku i kopanya ku se ni *sani*. Mu pile ni

Kreste! Kakuli, nako i fakaufi, lisinyehelo ze tuna liyemi kwa pata, zemaswe kufita Sodoma ni Gomora, za naha ye. Sodoma ni Gomora lika swana ku yona.

⁶⁵ Cwale, fani Abrahamama hana ngile nzila yana filwe ki Mulimu, mi nana ni ku yendamena fa naha, na sina sifumu ni hanyinyani. Kono fateñi na zibile taba iliñwi, na sebelelize Mulimu mi na lumela ku Mulimu.

⁶⁶ Kacwalo zazi leliñwi kiha kutaha baana ba balalu, mi neba tezi maluli mi ba katezi, mi Abrahamama aba utwela butuku, ki hali, “Mute kwanu muine mwa kota ya oke fa nako nyana.” Mi hana sa yemi fani inza ambola ni bona, alemuha kuli ne ba si baana ba fela fela batili. Ka mubulelelo wa bona, ne ba shutana. Mi Abrahamama ayo bulaya namani mi a ilukiseza bona, mi alaela Sarah kuli aeze sinkwa mi aba fepe.

⁶⁷ Cwale muhupule, ba babeli ba kubona neli Mangeloi, Mangeloi mwa mibili ya butu, mi alimuñwi wa bona neli Mulimu Kasibili. Mi yena Ya nali Mulimu na sikululezi mukokoto wa Hae kwa tende.

⁶⁸ Mi Sarah aina mwa tende. Ni tabela kubona musali ya buluka sibaka sa hae sina cwalo, isiñi ya zwela fande ku yo bulelela muuna hae sa kueza, fo kaufela ku sa taha mupoti mwa hae. Kono yena nainzi mwa tende. Hakuna mukwa, mwendi neli ku tapisa mikeke kamba zeñwi.

⁶⁹ Mi cwale Yo yena Ya nali Mulimu, Na tundamezi ku talimela kwa Sodoma, mi A ba bulelela seo Na kaeza. Mi Mangeloi amabeli aya kwani kuyo kutaza Evangeli. Kono Alimuñwi na siyezi mwa mulaho, yani neli Yena ya nali Mulimu, mi Yena ali, “Ha nina ku patela Abrahamama likunutu ze Ni ziba, kakuli ukaba muca sanda ni lifasi.”

⁷⁰ Oh, luna ni tukelo kakusasana wo, keleke, ili kuziba likunutu za Kutaha kwa Mulena. Kakuli, “Mbuyoti kiya baba nani kozo, ba ka bizwa bana ba Mulimu. Mbuyoti ki ya baba nani tala ni linyolwa, ba ka kuliswa. Mbuyoti ki ya baba lukile mwa lipilu, kakuli ba ka bona Mulimu. Mbuyoti ki ya baba ishuwa, kakuli bakula yola sanda sa lifasi.” Mihe, haiba keleke ya Mulimu ya pila ina ni ku yola lifasi, hakuna kunutu ye patilwe kuyona.

⁷¹ “Kaufela zeo Ndate a Ni bulelezi, Ni mi bulelezi,” kimwa na bulelezi Jesu. Mi neba sa Mu lumeli.

⁷² Kacwalo mwa mazazi a Abrahamama, sina ha Na ba swaniseza ku ona, Na ize cwana kuli Abrahamama na ambola kwa Lingeloi, mi mukokoto wa Hae no talimile kwa tende, mi ki Ha bulelela Abrahamama kuli Uka mupotela ni mwana. Mi Sarah, mwa tende, a seha. Mi Yena ali, “Kiñi Sarah a sehile?” Kisikamañi sa Na bonisa? “Kiñi Sarah a sehile?” Neli feela liholo ze likani kusika fita kale sinyeho, sani hane si ezahalile. Ku sikaba kale sinyeho, mulilo wani wa taha kuzwa mwa lihalimu ni kuto cisa muleneñi, mi sisupo sani nesi ezizwe.

73 Mi Jesu kiha li, “Mwa fosa,” kwa baluti baba tuna ba za bumulimu, kwa naha ya bulapeli yeo buñata bwa yona neli balumeli. Kiha li, “Mwa fosa, ka ku sa ziba Mañolo nihaiba Mata a Mulimu.” Kwa lusika sina lwani, lone luli lwa batu baba lutilwe hande, bene bali baituti mi neba zusize likeleke. Fani mwana hana pepilwe, neli sibyana sa keleke. Ne mulukela kuba mu Isilaele. Mazazi a ketalizoho ka amalalu, neli mupato, mi nemuli ma Isilaele ka kukala. Mi bu prisita nebu zwelela kwa ma Levi, bene ba lutilwe ka mianda ya lilimo mwa Mañolo. Ibo Jesu nabulezi kuli, “Mwa fosa, ka kusa ziba Mañolo!” Neba azibile mwa libuka za bona za ku ituta, neba li zibile ka tu tekisema twa bona, neba li zibile ka lituto za bumulimu za bona bañi. Kono Jesu naize, “Ha mu A zibi, ona Mañolo, mane nihaiba ku ziba Mata a Mulimu. Kabe muzibile Abrahamama, kabe mu Ni zibile. Kabe mu bana ba Abrahamama, kabe mu Ni zibile, kakuli Abrahamama na nyakalalile hana boni lizazi la Ka, kakuli naboni pili lizazi. Ha ne Ni yemi fapila hae kwa mulaho kwani, mwa mubili wa nama, ni kueza se, na zibile kuli neli Na, mi a Ni biza kuli ‘Elohim.’ Kono fa Ni eza lika ze swana fa pila mina, mi mu Ni biza kuli ‘Beuzabube.’”

“Oh,” ne bali, “luna ni Abrahamama kuba ndata luna.”

“Mubiza Abrahamama kuli ‘ndata’ mina?”

74 Kiha li, “Kiñi, luna, lu ba siemba sa keleke. Luna lu naha ya bulapeli. Lu sicaba sesi tuna. Lu batu ba Mulimu!”

Jesu naize, “Muna ni diabulosi, ki yena ndata mina.”

75 Kana Ni ka swanisisa lusika lwani kulo. Kacenu, kuna ni bo lule baba ipapata ku ba Bakreste, mi haba zibi kaza Mulimu sina Mbenezikai mwa sa zibeli za busihu bwa Egepita. Kuna ni baana ni basali, kaniti Bakreste baba eza bo lule ba ipapata kuziba Kreste, ba sa zibi taelo yapili ya Mata a zuho ya Hae, mi bali kuba ba tatube bunde bwa Hae. Haba sika utwa kale Mata a Hae. Meto abona akwalezwi kwa Niti.

76 Ali, “Mu libofu, ba eteleli ba libofu. Habana...ona... haiba sibofu si etelela sibofu, kana habana ku wela mwa musima?”

77 Mi ba hupula kuli, “Luna lu Bakreste. Lu ba lumeli. Lu ba siemba sa keleke yetuna hahulu ye liteni. Baluti ba luna ki bo caziba ba bande ku baba liteni.” Ibo Jesu na ba bulelezi kuli mane neba sa zibi nihaiba Mañolo.

78 Mwabona mo Mulimu ali patezi meto a baba butali ni ba ngana, ni ku li patululela kwa limbututu ze kona ku ituta? Oh, ona Mata amatuna ni buipiteli bwa Mulimu! Mwa bezi Yali yomunde ku baba lakaza ku zamaya ka kuluka fa pila Hae! Haana ku pata nto yende ni yekana.

79 Ni ku bona zazi leo fo naha ya luna, lifasi laluna, li tampakani ka lika ze swana!

⁸⁰ Jesu nabata ku ba beya hande mwa sikuka. Bona bali, “Oh, Abrahamama ki ndata luna. Mi lu kaba mwa Kanya, usike wa bilaela ka seo, kakuli lu lumela ku Mulimu. Lu baba cuukile, mi lu lumela ku Mulimu, mi lu luta sicaba sa luna. Mi ki Wena mañi kutaha kwanu ni—ni sisupo nyana sesi sa zibahali ni kulika ku si biza kuli Mulimu? Wena ha u sesiñwi kono u Beuzabube.” Ki fo cwale, neba nani lituto za bona ni likopano.

Jesu naba bulelezi, “Mina mu bo diabulosi.” Mu nahane fateñi!

⁸¹ Mi Ni ka swanisisa lusika lwani kulo, kacenu ha luna ni bo lule baba i kopanya mwa likeleke, luna ni likiti ze mashumi. Mi Mulimu utaha kuto pila mwa keleke ya Hae hape, ni kueza lika ze swana za Na ezize kwani, kuikeza Iiyena ya swana maabani, kacenu, ni kuyakuile. Mi sicaba si sikululela mukokoto ya sona ku zani, kamita, babañwi baba ba kabubo, babañwi kuina kuzwa kwa kuba ni keto. Ki ze hapelezwa batu! Mu lukela kuba ni keto. Ha mukoni kuyena musina siemba. Mu lukela ku bulela “ee” kamba “awa.” Ha una kuzwa mwa munyako wani uli mutu yaswana sina hane ukeni. Ha ukoni kueza cwalo. Una ni keto ya kueza. Ube ni yona ka Krete kakusasana wo.

⁸² Ne ba hupuzi kuli lika kaufela ze neli za keleke lika piliswa. Jesu naize, “Munyako wa kumbana, mi nzila ki yesisani, mi ki baba nyinyani baba i fumana.”

⁸³ Ni mife mamela kakusasa wo, keleke, mu tokomele. Kunga nako kacenu, kwa kuluka kwa luna bañi, lusika lwa buituti lolu buipi lolu pila ku lona. Hola yeo baana ni basali haba yema mwa likeleke ni mwa lipula, ni kuopela lipina za Mulimu, mi haba zwa mwa keleke bayo zuba kwai, ni kunwa macwala, ni kuya kwa kubina, ni—ni ku pilela lifasi, ni kubulela, litaba za lishano ze sehisa, ni kuipiza bona bañi kuba “Bakreste.” Baana ni basali haba zwa kwa katala kamba mwa keleke, ni kuzwa kwa sibaka sa Mata a zuho, ili ko sisupo sani sesi swana sa Mesia si zamaya mwahala bona, mi basa bi libupiwa zenca ku Krete, kuna ni sesi fosahalile. Mitende haikona ku li bulela; mi kukalela kwa siyendekamisi kuisa kwa siyendekamisi, kwa mulaho ni kwa pata, kuzwa kwa libaka ze kangezi za Mutulo ku yofita kwa libaka ze cisa za Mboela, Mulimu wa li luma, mi batu kamita ba fetulela mikokoto yabona ku zona. Fohe kipeto luka liñi, luka eza sikamañi? Lu sikuluhela kwa Mañolo kwa Na ize, “Munyako wa kumbana, mi nzila ki yesisani, mi ki ba banyinyani baba i fumana.”

⁸⁴ Na ize, “Ona mone kubezi mwa mazazi a Nuwe, kimo ku kabelani ni fa Kutaha kwa Mwana mutu.” Muteeleze, mwa mazazi a Nuwe, lifasi neli na ni batu sina mo li inezi kacenu. Sayansi ya bona neifita ya luna. Neba yahile miyaho yemi telele ni mabita a maegepita abizwa piramidi li kazelu sakoni kueza luna. Sicaba sesi ipitezi, sesituna, sa baituti. Mi

muhupule, sayansi kacenu ili, “Seli muzuzu ulimuñwi lusika fita fahala busihu.” Ki muzuzu ulimuñwi waci isika fita kale fo ku sabisa. Seli busihu kufita molu hupulela. Ni sepa kuli—ku sepa kuli Moya o Kenile uka nwelisa se mwa pilu ya mulumeli kaufela, “sina lizazi la Nuwe”!

⁸⁵ Ki ba bakai bene ba pilisizwe mwa lizazi la Nuwe, kuzwa mwa lusika lwani? Ketalizoho kaba balalu, ba ketalizoho ka ba balalu kuzwa mwahala bo lule. Na ize, “Ki mo ku kabela ni fa Kutaha kwa Mwana mutu.”

⁸⁶ “Mi sina mone kubezi mwa mazazi a Sodoma, kimo ku kabela ni fa Kutaha kwa Mwana mutu.” Mwahala likiti ze mashumi, neku nani ba balalu bene ba pilisizwe.

⁸⁷ Mu kali kuna cwale, “Mukutazi, kucwañi he likiti za Ka taha ni zona?” Cwale, muzwale, sani nesibile cwalo mwahala masika kamukana.

⁸⁸ Ni ka komoka haiba ba lishumi ka bababeli baka zwa mwa lusika lo. “Munyako wa kumbana, mi nzila ki yesisani, mi ki ba banyinyani baba i fumana.”

⁸⁹ Oh, Na ziba likeleke, seo ba bulela, “Haiba ubeisa libizo la hao mwa buka mi u ba wa siemba, se, fohe u kondisize.” Ha kuna Liñolo leli cwalo. Haiba lika kaufela lina ni mabizo azona mwa buka, mi mwa—mwa keleke, kukaba likiti ze eza likiti ze lule kaze lule, lika kaufela lika kena. Mi mifuta ya mioya kaufela ikaba mwateñi, mi ki mufuta mañi o Lihalimu likaba kaona? Munahane fateñi cwale.

⁹⁰ Sina mutu ha kali kuna, “Cwale libelela fa muzuzu, Muzwale Branham. *Wakuli-ni-kuli*, Ni ba utwile ha ba bulela ka malimi, Na ziba baka yo fita.”

⁹¹ Sani ha si talusi kuli baka yo fita ni hanyinyani. Paulusi naize, mwa Makorinte ba Pili 13, “Niha Ni ka bulela ka malimi a batu ni a mangeloi, mi ni sina lilato, ha Ni sesiñwi.”

⁹² “Oh, Ne niile kwa mukopano *Wakuli-ni-kuli*. Oh, na ezize misebezi, ye mituna. Ne ni muboni ha tonisa meto alibofu.”

⁹³ Niteñi wa kona ku lateha. “Babañata ba ka taha ku Na mwa lizazi lani mi bakali, ‘Mulena, ha Nili ne ni kutalize ka Libizo la Hao, ku polofita? Ha nili, ka Libizo la Hao, Ni lelekile mioya ye maswe? Ha nili, ka Libizo la Hao, Ni ezize misebezi ye mituna?’ Yena ukali, ‘Muzwe ku Na, mina baezi ba ze maswe, Ha ni sika miziba haisali.’” “Munyako wa kumbana, ni nzila ki yesisani, mi ki baba nyinyani baba i fumana.”

⁹⁴ Ni mife litaba ze ka mi ka kamalisa. Kuya ka sayansi ya za milyani, mwa muleneñi wa Chicago, kuya ka lipatisiso za baalafi, kuli kuna ni litaba ze likiti ze mashumi amalalu za kusulula limba mwa Chicago inosi, mwa mazazi a mashumi amalalu, zeo baalafi ba nani. Ki mapilusi amakai ni milyani yeba nwanga, ya litaba za kusulula limba?

⁹⁵ Lipatisiso za bonisa, kuli mwa United States, kuna ni bana babañata baba pepwa ba mwa bucwani kufita ba mwa linyalo leli fuyozwi. Kana mwa ziba Bibeles iize, mwa Deuteronomo 14:2, kuli “mwana wa bunyazi, kuka shimba lilimo ze mianda ye mine fa kufeza seo”? Bana ba bana ba bana ba bana ba bana babona haba koni kuyema mwa kopano ya Mulena, lilimo ze mianda yemine, masika alishumi. Myaha ye mashumi amane mwa lusika. Yena kuku-wabo kuku-wabo kuku-wabo kuku-wabo neli mwana wa bunyazi, ha ayo mwa siswaniso! Cwale kisikamañi? Muni bonise kone li cincelize.

⁹⁶ Kisikamañi selu taha kusona? Mi cwale bana ba bunyazi, bakeñisa boozwa, mi basali ba sibi batina sina baana mwa mikwakwa, yeli maswabisa fa pila Mulimu, bazubi ba kwai, banwi ba macwala, baba ipapata kuba Bakreste. Mulimu wa hanisa sishañata sa mahule sani! Yeo ki niti. Mi baipiza kuli ki Bakreste? Kikaho Jesu naize, “Munyako wa kumbana, ni nzila ki yesisani, mi ki ba banyinyani baba i fumana.”

⁹⁷ Ha ba ikokobezi ilibona. Ba omelezi. Mutalime, fani Davida hana bulelezwi sibi sa hae sana ezize, kapili a baka, mi Mulimu amu lata ka zona. Mu ba bulelele ka libi za bona, ba kali, “Hani na ku kena mwa munyako o hape.” Kiñi? Ba na ni libaka zeñata kwa kuya, bakona kuya kwa misima yani ya bana ba bunyazi yekona ku amuhela ze cwalo. Kono seli nako yakuli bakutazi ba apale lilwaniso za Mulimu ze tezi mi ba kutaze Linzwi kusina ku keshebisa, Evangeli. Batu balukela ku ikokobeza ilibona.

⁹⁸ Ha ku sana bu sepahali mwahala Bakreste ni hanyinyani. Babata ku bulelela kuli, “Ni wa Methodist, Ni wa Baptist, Ni wa Pentekota,” seo hasitalusi sani [Muzwale Branham uliza munwana wa hae—Mu.] *kuba* za Mulimu.

⁹⁹ “Ni bulezi ka malimi, Ni ezize limakazo.” Lu beya tiisezo kaufela ku zeo, kanti zani kona lika zeñwi za ze fufaza ku ze bakona kueza. Luli. Pula inelela kuba ba lukile hamoho cwalo ni baba si ka luka. Pula i selaela licalano ka mukwa oswana sina hai selaela mufuka, Roy. Yona pula yeswana, ona Moya o Kenile oswana uwela fa batu. Seo hasitalusi kuli . . . Si bupiwa sa bona silukela ku shutana, ku sa mwahali. Ha ki mubonahalelo wa kwande kamba muezese, kono Moya wa mwahali wa Mulimu ya pila kona oeza mutu kuba si bupiwa sesinca, seo si kuyula pilu ya muuna yo kamba musali fa pila Mulimu.

¹⁰⁰ Mu li, “Mukutazi, utalusa kuli wa hakanyeha haiba kuka zwa batu baba lishumi ka bababeli mwa mianda yabo lule ba likiti ze mianda ye lule yemwa lifasi?” Na hakanyeha haiba kukaba batu baba lishumi ka bababeli ba bakaba mwa Kuungelwa. Munahane fateñi! Ni mi bulelele seo Jesu na bulezi mwa li Evangeli. Mu nahane fateñi!

101 Si fitile fo kucwañi? Kakuli bu itamaeli bukeni mwa hala sicaba, bana ba bunyazi bakali ku pepwa, sani sa ba takula mwateñi. Mwabona, lwa kona ku yema fa lihola luli, ku beya lika zani, mi mwa kona ku bona kuli lupila mwa lusika lolu bolile, lolu sinyeha, lwa sicaba sesi bolile hakalo-kalo. Kikabakaleo ha ba saboni sisupo kaufela, kikabakaleo habana ku twa Evangeli, ba omelezi, ibo kanti batezi bulapeli ni bumulimu.

102 Kana Jesu nasika li, “Haili Moya ubulela patalaza, mwa mazazi amaungulo bakaba baba butali, baituti ba batuna, baba lata minyaka kufita kulata Mulimu, balobi ba tumelelano, ba basina buiswalo, ba balunya, ni ba nyefuli ba zende, ba mufuta wa bumulimu”? Mwabona? Oh, wakona ku huwa, kaniti. Wakona ku bulela ka malimi, kaniti. Tumelo ika leleka bo diabulosi, kaniti. Kono zeo hakona ze lu bulela fateñi.

103 Mi mu kali kuna, “Muzwale Branham, sisupo sa Mukreste ki sikamañi? Ki mañi yaka piliswa? Wena uka piliswa, Muzwale Branham?” Ni sepile cwalo ku Mulimu. Ha ni zibi. Ni lumela kuli Ni pilisizwe. Ni bapisa bupilo bwaka, ka zazi, kwa Linzwi. Haiba ha bu pili sina Linzwi le, konakuli ku na ni sesi fosahalile, Ni lukela ku kuta kuba ya lukile.

104 “Kulukile,” muli, “Muzwale Branham, batu ha ba bulela ka malimi, kana haku talusi kuli ba pilisizwe?” Batili, sha! Batili, luli! Ni utwile baloi ba basali ni baana haba bulela ka malimi, mifuta kaufela ya bukuba. Ni boni batu baba bulela ka malimi kanti ba pila ni musala mutu. Ni boni batu baba bulela ka malimi, ni kutula-tulaka ni ku huwa inge kuli ndu ituka mulilo, mi baya kwande kuyo ba ni litaba za bu kuluku, ni ku uzwa, ku bulela buhata, ni lika kaufela. Kana mwa li kulubelwa? Batili, sha.

105 Kuba wa siemba sa keleke, ma dikoni mwa keleke, ba bulapeli moba kona kubela. Kiñi, muhupule kuli ne ba kaleka mafula amwa mota la Sunda? Batili. Kono la Mubulo baeza lika zeñwi ze masila ze bolile za buipi. Mulimu upila mwa pilu, isiñi kuza kwande, ki lika ze zwa mwa pilu.

106 “Munyako wa kumbana, mi nzila ki yesisani, mi ki ba banyinyani baba i fumana.” Sina mone kubezi mwa mazazi a Nuwe, ba ketalizoho kuzwa kubaba eza bo lule; sina mone kubezi mwa mazazi a Sodoma, ba balalu kuzwa mwa batu ba bo lule; kona mo ku kabelani ha taha Mwana mutu.

107 Mi mwa bona ku bola ko luli mwateñi. Mwa bona kamo mihupulo kaufela, mutu, uya kwande kwani mi diabulosi upanga bakutazi baba butali kuli bayeme fa katala ni kutuhela batu banze baya ka zona.

108 Zazi leliñwi mutu naize, “Na hani kulati fa katala kaka, uka eza kuli bahame baka ba lyangane.” Batili, bona

ba lyangani kale. Ika batisa mwa mihupulo ye minde, ku ba bulelela kwani kuli balukela ku tuhela kutina mo batinela. Mi, kulukile, kuna ni ya lukela kueza cwalo.

¹⁰⁹ Ne niize ku musalaka, “Kana Ni lyangani, nina? Kana Na pulumuka? Kamba, ki butata mañi bo ni nani?” Sesiñwi mwahali ha sikoni kukuza. Ni lukela ku Si bulela, Ha ni na taba kaza bulela mutu.

¹¹⁰ Muli, “U ka sinya bulumiwa bwa hao.” Kulukile, bulumiwa kaufela bo Evangeli ika sinya, bulukela ku sinyiwa.

Mulimu alufe bundume bwa ku yemela Niti ni kubulela ka za Niti! Ki sibi, ma swabisa!

¹¹¹ “Munyako wa kumbana,” Jesu aba bulelela, “mi nzila ki yesisani.” Mi wena ya nahana kaza bo lule, ni mina ba Methodist kaufela, ba Baptist, ba Presbyterian, ba Pentekota ba baya mwateñi, muka yo swaba ka zazi lani. Jesu naize, “Ba bañata baka toina mwa Mubuso, ali, ‘Ni na ni tukelo yakuba mo.’” A bulela, “Kono bana ba Mubuso baka ba lelekela kwande. Kukaba kulila ni ku huwa ni ku kweca meno.” Ku hande kuba ni buiketelo ka kusasana wo, Bakreste. Kukaba baipapati baba eza bo lule ku alulwa ka likiti za bo lule baba lule bakuli ki Bakreste, mi kibabane ba tiiselize mwa bupilo bwa bona, ba basike bakena munyako. Jesu nabulezi cwalo.

“Ki ba bakai ba baka kena?”

¹¹² Ha ni zibi baba ka yo kena. Taba feela kikuli, “Mulimu, nibe alimuñwi wa bona!” Kona cwalo. Yena ki Muatuli. “Ni be alimuñwi.”

¹¹³ Mubulela kuli, “Muzwale Branham, ukona ku ba bulelela cwani kanti Bakreste?”

¹¹⁴ Hani zibi. Kono ni mi bulelele seo Mañolo asibulela. Kaniti mwa lumela Cwalo. Fani Moya o Kenile hauno lumilwe mwa lifasi, Mulimu na bulela ka Moya o Kenile. Na lumile lingeloi ku—ku taha, pili. Mi Kiha li, “Uye mwa munzi ni mwahala batu, mi ubeye liswayo fa lipata za bona, ku bao baba ipulela niku huwaka, ku sikulula lika zani.”

¹¹⁵ Maswabisa ki sikamañi? Musali yaka apala liapalo ze lukela ku muuna. Za utwisanga Mulimu bumaswe. Kana mukile mwa fita bukaufi ni lika ze swabisa? Mo li mi kuliseza! Ha mukoni ku liyemela. Musali ya apala ze lukela muuna, kona mukwa oswana o Mulimu autwanga; wakona ku opela mwa kwaya, wakona ku lapela zazi ni zazi, ni kuhuwa zazi ni zazi, kamba ku pilela Mulimu zazi ni zazi, unyazizwe fa Pila Mulimu. Seo kona sa bulela Mañolo ona cwalo. “Ki maswabisa!” Mi baba lata zani bakaba ni siemba ni zona.

¹¹⁶ Mulimu alufe muhau wa kukona ku lwanisa zani. Ha u ka yema unosi, uyeme fani mi uswale Linzwi la Mulimu mwa lizoho la hao. Halina ku palelwa.

117 Cwale lufitile fa lizazi, la kuli, maswabisa a sicaba. Mi Lingeloi liile hape kuyo swaya. Muni fumanele mutu alimuñwi mwa Jeffersonville, haiba mu bata kuziba yaka yo kena, muni fumanele mutu alimuñwi mwa muleneñi wa luna ya huwaka ni kulila, ya bilaela kamita mi kiya ikalezwi, ni ku lapelela ma swabisa asweli ku ezahala mwa muleneñi. Kana mwa kona kunanula lizoho la mina ni ku supa mutu? Fohe munge Liñolo le, “Munyako wa kumbana, mi nzila ki yesisani, yeisa kwa Bupilo, ki ba banyinyani baba i fumana.” Bani ki bona feela bene ba lukela ku swaiwa.

118 Oh, Na kona ku mibonisa babañata ba baya kwa likeleke. Na kona ku mibonisa babañata ba baopeli mwa kwaya. Na kona ku mibonisa babañata baba luta sikolo sa la Sunda. Na kona ku mibonisa babañata babali litho za—za tutengo to tutuna. Na kona ku mibonisa babañata baba huwanga, babañata baba bulela ka malimi, babañata baba beleka mwa misebezi ya Evangeli.

119 Kono muni bonise alimuñwi ya katalizwe mwa pilu ya hae ka libi za lifasi! Muni bonise mukutazi kacenu yakona ku kutaza ka kunyaza likopano ze. Muni bonise muuna yaka yema ni kubulela lika ze, niku nyaza likopano zani. Ku hande asike alika, uka lelekelwa kwande, yani ki tikiti ya sico sa hae.

120 Ki kabakaleo Billy Graham na bulelezi Jack Moore, ali, usike wa talima mo mikopano yaka iinelanga, ali, “Haki wa Baptist, kamba kuli ki wa Methodist kamba Pentekota.” Ali, “Mi kaufela bona ba mu lwanisa.” Kaniti, Hani buleli kuli. . . Libaka le Ni bulelezi kuli, Hani koni ku bulela fa katala. Ni bulela zeo kwa keleke yaka tota. Na ikataza, kakuli hola ya muliko iwezi na.

121 Bona bali, “Ha uka taha, kuka ba hande, kono usike wa bulela sesiñwi ka Sona.” Kuli ni wena upilise bupilo bwa hao.

122 Nika kutaza seo Mulimu ukali kutaza! Yeo ki niti. Alimuñwi wa bani ba eiti ukaba kokuñwi. Alimuñwi wabona ukaba kokuñwi. Kono ka zazi lani ha Ni lati kuyo fumaneha ni mulatu kuli Ne ni keshebisize ka tuto ya isili ya li tumelo, kamba tuto yeñwi ya keleke. Ni kitalize Niti!

123 Babulela kuli, “Kiñi hamu sa ezi cwalo, kiñi bulumiwa bwa hao, Muzwale Branham, bobu bonahala kuba butuna hahulu, kiñi ha busa utwahali sina babañwi ba moba ezeza?”

124 Yani ki niti kwani. Fo kucwalo. Haniya mwa tolopo, kana muhupula kuli ba Assemblies of God bakona ku lu meelana ni na? Isiñi kuse Ni lumela, haba lumeli. Kukona kukena alimuñwi hañwi hasamulaho wa nako. Muhupula kuli ba Methodist baka kena? Mulike, mi mubatisise. Mube mutoneli waka fa sunda. Haiba mukena, muka kena ka Libizo la Jesu. Yeo ki niti.

125 Oh, ka niti, baka miisa kwani, luli, ku miisa kwani kwa sibaka sesiñwi, ni kuli musike mwa swalisana ni bona ka nzila kaufela ye cwalo. Mi cwale hamuse mu zwile, bali, “Oh, cwale, Muzwale Branham usa lyangani nyana mwa boko, mwa ziba. U . . .”

126 Haiba Ni lyangani nyana mwa boko, konakuli Bibe! i lyangani mwa Tuto. Sani kona se ibulezi Bibe! Eeni, sha. Mutalime!

127 Jesu naize, “Kiñi hamu Ni biza ‘Balezebubi’? Mu lumezi Solomoni, sisupo sa hae sa ku lemuha. Ne mulumezi lizazi la hae. Mulena wa musali wa kwa Mboela nazwile kwa libaka za kwahule za mwatasa lifasi, ku yo bona mpo yani, mi ailumela nako ya ibona. Mi mwa ina ni kotalima ku sona zazi ni zazi, mi amu li lumeli.”

128 Mi mizwale ba Hae Tota batokwa ku Mu lumela. Bali, “Mu ye kwa mukiti,” Yena ali, “kono Na haniyi cwale.” Ki ha ikela nzila isili, kakuli mizwale ya Hae Tota neisika Mu lumela. Yeo ki niti. “Munyako wa kumbana, ni nzila ki yesisani, mi ki baba nyinyani baba I fumana.”

129 Hane ku tahile kwa ba lutiwa, kona kwa ponahazo, neba li ka kai? Musali ni muuna ne bayemi bukaufi ni sifapahano ni Yena, Joani ni Maria. Babasiezi kaufela ne baile.

130 Ye ki ponahazo. Ye ki yona nako. Fa kona fo Mulimu a eza lika. Fa kona fo Mesia ali fa lifasi. Fa kona fo Mata a Mulimu azamaya mwa sicaba sa Hae. Mi baba biza kuba “bapikuluhi ba bakenile, baba lyangani, baba pulumukile,” oh, ze swana sina cwalo. Kono hola itile!

131 Kuka yo ba ni ku swaba luli kala katulo.

132 Oh, mutu wa lihata, wa ziba kwa ka yo ba fa katulo. Kacwalo ni yona nja yaziba ko i kayoba. Ni yena lihule wa ziba kwa kayo yema. Hamoho cwalo ni mulauli wa ziba kwa kayo yema. Ni yena cakolwa wa ziba kwa kayo yema. Hana ku yo swaba.

133 Kono ko kukaba ya ka yo swaba, ki bani bene ba hupula kuli ba lukile. Kona ko kuka ba maswabi. “Ha baka yo fita kwani, bakali, ‘Luli, nelu leleka diabulosi ka Libizo la Hao. Lu bakutazi. Lu ba keleke ya kuli-kuli. Lu ezize limakazo ze tuna. Oh, lu kotalize! Kiñi, Ni bile—Ni bile sikombwa mwa keleke. Ni bile bishopu. Ni bile se.’ Muzwe ku Na, mina ba ezi ba ze maswe, Na li kuba ni mizibe.” Kifo he cwale. Kwani kona ku swaba. Na ize, “Bana ba bana ba bona ba kato kena ni kutoina mwa Mubuso, bali, ‘Luna ni tukelo ya kuba mo,’ mi baka nepelwa kwa lififi la kwande, koku kaba ku lila ku bokolola ni ku kweca meno.” “Munyako wa kumbana, nzila ki yesisani, yeisa kwa Bupilo, ki baba nyinyani baba i fumana.”

134 Ku mina, sicaba sa ka, kakusasana cwana, muteeleze ku se. Na hanisika ikupulela se. Ni na ni buikalabelo ka ku Si bulela.

Kona seo Ni na ni bu ikalabelo ka sona. Haiba ha Ni na ku kutaza sebelezo yeñwi mwa bupilo bwaka, yeo kona Niti: kuka ba feela batu baba likani baba ka piliswa. Mube baba hupula seo: ba si kai feela. Akube alimuñwi wa bona.

¹³⁵ “Ki bafi bao, Muzwale Branham?” Ha ni zibi. Hakuna mutu ya ziba. Lu sebeleze piliso yaluna bañi ka sabo ni ku ngangama.

¹³⁶ Kono mube baba zamaelela ni Mulimu. Haiba pilu ya hao hai zamaeleli ni Bibeledi yani, kona kuli kuna ni sesi fosahalile, kuna ni sesi fosahalile. Hakuna taba ka se ibulela keleke ya hao, hauna kuyo kena ka seo. Ulukela kuyo kena ka sa bulezi Mulimu. Ye kona Buka yoka atulwa ka yona, yona Bibeledi. Upile ni Yona!

¹³⁷ “Oh,” mu li, “kulukile, Ni kolobelizwe ka Libizo la Mulena Jesu.” Zeo li lukile, yeo ki Bibeledi. Kono haiba bupilo bwani ha bu i lateleli, nekusina tuso ka za kolobezo ya hao.

¹³⁸ Mu li, “Kulukile, Ni amuhezi Moya o Kenile.” Ki nto yende, kona so no lukela ku eza. Kono haiba bupilo habuyo mwahali mwani!

¹³⁹ Muhupule, mufuka u amuhelanga kwa mata aswana asuluhela ni fa buloto ku bu hulisa, aeza kuli mufuka uhuwe, niona. Mufuka wa kale o munyinyani uka yema ni kuabela sina buloto. Yani ki niti, kupila ka bupilo bo buswana. Mi muezali libi wa kona kuina fa Pila Mulimu, kuhuwa ka za tulo, ni kupila sina Mukreste. Kono haiba hakuna sika sesi shutana kuzwa mwa pilu! Wakona ku ba ni Mata aswana aku leleka mioya ye maswe. Jesu nabulezi cwalo. Wa kona ku kutaza Evangelili sina muktutazi kaufela mwa konela. Sani kona luli, sana bulezi Jesu. Bibeledi ya luta zateñi. Eeni, sha. “Niha Ni ka bulela ka lipuo za batu ni za mangeloi, niha Ni ka fa mubili waka kuli uciswe kuba sitabelo, Ni fane sifumu saka kamukana kwa ba botana, Ni—Ni be ni tumelo ye kona ku shimbulula malundu, Ni pete lika ze kamukana, Ni kutaze ka Libizo la Hae, Ni leleke mioya ka Libizo la Hae,” na ize, “Ha ni sesiñwi.” Kacwalo, wakona ku eza, mbo “ki mbango.” Mwa tokomela?

¹⁴⁰ Cwale, taba ya kuezali kikuli, kuzwa mwa pilu ya hao, ube Mukreste, mi cwale ukene ka munyako o kumbani. Kakuli, nzila yeisa kwa sinyeho iatami, mi bo lule ka bo lule mwa lusika lo lwa balumeli baka kena mwateñi. Kakuli, munyako wa kumbana, mi nzila ki yesisani, ki wena ni Kreteledi.

¹⁴¹ “Nzila yeisa kwa Bupilo ki yesisani, mi ki baba nyinyani feela baba ka i fumana.” Cwale, ani ki Manzwi a Mulena luna. Mawi! Kisikamañi sa Na eza? Inza yemi fani, ka ku lemuhali mihupulo ya bona.

¹⁴² Mi kiha li, “Ki Balezebubi. Kulukile, U kona kuba cwani Mulimu? Yena ki Mutu! Kikai kone kuzwa zibo yani?” neba bulela cwalo mwa munzi wa Habo Tota.

143 Ha mu kena mwa muleneñi wo kwanu, ku bonahala sina. . . Ha ni buleleli se ka kutokwa ku kuteka mina batu; mina mu Bakreste, mwa ni lata. Ha mukena mwa muleneñi kwanu, kono ku bonahala kuli mata a Satani ami kutisa mwatasi. Sibaka se si nyazizwe. Muleneñi wo unyazizwe.

144 Kisikamañi seo Billy Graham nabulezi hana kena mwa Louisville? Nabulezi kuli sani kona “sibaka sesitezi hahulu madimona” seo akile abona mwa bupilo bwa hae. Abulela cwalo mwa mutende, kuli, “Mwakona ku ikutwa ku titimezwa ki diabulosi.”

145 Kakuli, Ne ni ka ikutwa cwalo. Kiñi? Le ki lapa laka luli. Fani Jesu hana kutezi kwa lapa la Hae Tota, Nai ze misebezi yemiñata Na sika ieza, bakeñisa kusa lumela. Ali, “Mupolofita akutekiwi ha bo, mu kutazi, konji kambe ki ku sili—ku sili kwa buse bwa naha ya hae, mwahala sicaba sa habo.” Mwabona? Hakuna semu kona kueza ka sona, kona seo Mañolo abulela. Mwabona?

146 Cwale, hamu kena mwa muleneñi wo kwanu! Mi musa ni buleleli ha Ni na kuziba. Ni fitile kwa batu baba ni lumelimize mwa lizoho, “Oh, Muzwale Branham, Na mi lata.” Mi mwa ziba kuli bwani ki buhata! Mwa ziba kuli ki buhata. Haiba Mulimu wakona ku ni buleleli za ku lemuha lipilu, kiñi Ha sike kuni buleleli zeo?

147 Luli, mi ona mwahala sicaba sa mina mwahala muleneñi! Haba ku bona, bali, “Kulukile, mwa ziba, Ni boni ko sakuli-kuli. . .”

“Kikai? Neli kikai kwani?”

“Ona kwani. . .”

“Huh! Lwa muziba mushimani yani!”

148 Mwa ikutwa cwalo. Ni mi bulelele, mu amuhele mutu mwa ndu ya mina yasa mi tabeli, uina mwa ndu ya mina hanyinyani feela ni ku ikutwa kuba ni lisheha. Mualule seo ka linako ze eza bo lule ba lishumi ka amane cwale, kona muka utwa se Ni buleleli fateñi. Fohe kipeto muka fita fa sibaka sakuli mutu kaufela wa mi lata, maikuto ani a kamuhelo, feela, oh, mawi, mi mwa kona kuina feela kwani kamita, mwabona. Kona cwalo, mwabona, ki moya. Mi batu haba zibi kuli ki sikamañi, ba komokiswa ki seo batu bali baba tampakani.

149 Kisikamañi sesi eza basali kuba ba bande, kisikamañi sesi tisa kuli basali ba bande ba apale za butanya ni kuzwela fande? Kisikamañi se si tisa, nihaiba onafa ha ku bata, basizana ba banyinyani ba myaha ye lishumi ka yesilezi, bana ni liapalo za sa lukeli kutina fapila bo mahe, ni kuya kwande mwa mikwakwa? Kakuli ki, haki mwana yani (mwana yani hakuna sa ziba hande), kono kakuli mukutazi yomuñwi mwa fa katala u palezwi musebezi wa hae. Yeo feela kona niti. Luli. Basali ba

kenanga fa mukwakwa, ka mitinelo ya butanya feela ni lika ze cwalo, mi ba ezalibi banze ba ikumbuta kanti ha zibi kuli una ni mulatu sina hana kaba ni yena. Jesu nabulezi cwalo! Jesu naize, “Yo kaufela ya talima musali ka ku mu lakaza, sa mu bukile kale mwa pilu ya hae, mi uka ikalabela mwa lizazi la katulo.” Munyako wa kumbana, ni nzila ki yesisani!

¹⁵⁰ Na ziba mu hupula kuli Ni muuna ya buhali. Hani ya buhali! Ni muzwale wa mina, mi Na milata.

¹⁵¹ Musabe buhali bo buna ni kutaha! Muye kwa sifapano mulile kufitela lipilu za mina litala Moya wa Hae, seo sika sikulula pilu ya hao kuzwa kwa lika kaufela za lifasi, ni ku zamaya ka bumulimu fa pila Hae, ka lipilu za mina linze li ciseza Yena. Lilato! Isiñi musebezi. Kreste ha ki musebezi, ku sebeleza Kreste, ki lilato leli sebeleza Kreste. La ku hoha, kuku hapeleza, kufitela musinga kaufela wa bupilo bwa hao uzamaelela ni Yena. Fani kona fo mukona kubona sibi.

¹⁵² Mi Yena nalilezi lifasi. Ne li halifisize Mulimu ka mazazi a Nuwe, ha Na boni lipilu. Mi Jesu aina fa halimu a lilundu, mi ali, “Jerusalema, Jerusalema, Ni ka ku bukeleza nako yekuma kai, kono hola ya hao i fitile mi ndu ya hao i siyezi mwa matota.”

¹⁵³ Kona moku kabelala ha ka Taha Mwana Mulimu, lipilu za balumeli ba niti li lobehile. Wabona kuli ona fa kulukela kuba ancafazo mwa naha. Ikona kuba teni cwani mwahala bana ba bunyazi? Ikaba teni cwani, kanti ba nyazizwe kwa makalo?

¹⁵⁴ Mubuso wa Mulimu uswana sina mutu ya yumbezi kanyandi ka hae mwa nuka, mi, fani hana si tisize, na nani likulu, liñombwe, linoha, limbotwe, litapi zeñwi. Nesi yena yana lukela kuiketela, na i yumbezi feela fa likamba. Sani kona seo Evangeli i ezanga. Kona seo Billy Graham, Oral Roberts, na, ni bakutazi kaufela baba kutaza Evangeli, muliyumbele kwande, muli hohela mwahali, “Ki bani fani cwale, Mulena.” Kono kisikamañi selu eza nako kaufela? Lwa batisisa, musika kuta kale hape, li kutezi mwa sinjopwa hape. Ki sikamañi? Ka kukala, ne ili kulu. Sani ne sisika i cinca, hana swasizwe mwa kanyandi ka Evangeli. Yena nali kulu ka kukala. Yena nali siñombwe ka kukala. Yona neli noha ka kukala. Nali muipi asika kena kale mwa keleke. Na sina nihaiba takazo ya kutuhela kunwa ni kulaula, ni kuzuba ni ku puma, ni kuuzwa. Nakeni mwahali ka ku saba feela lihele. Uikeza isali wena ya lukela mwateñi, ha ueza cwalo. Yani ki niti. “Munyako wa kumbana, mi nzila ki yesisani, mi ki ba banyinyani baba i funana.”

Halu lapeleñi.

¹⁵⁵ Mulena, oh, ni tatube, Mulena. Aku tatube taba yaka cwale, Mulena. Usike wa lumeleza kuli ni yo taha kwa katulo fa pila Hao, kasamulaho wa kukutaza ka nzila ye. Oh, haiba

kuna ni kusa luka ko kuli teñi kuna, Mulena, ulizuse mwateñi, shangwe! Lubona lizazi lelu pila ku lona, fo baana ni basali bafetuha baba omelezi. Ba swaba. Nako yeñwi noize, “Hakuna nihaiba ku swaba mwahala bana ba basizana ba Sione.” Likute labona liingilwe kufitela ba tokwa kuba ni maswabi ni hanyinyani. O Mulena, munahane ka zona! Mi muzibe kuli nako isweli kuya i fela, ka muzuzu kamba yemibeli feela, sinyeho yetuna ika taha, fohe kipeto ya maswe azwelepili mwa bumaswe bwa hae.

¹⁵⁶ Mulimu, aku luzuse kaufela luna kakusasana wo. Lu nyanganyise, Mulena! Lwa bona lisupo linze li iponahaza. Luna ni meto atona fa kuziba sani. Lubona bo lule, lule, Mulena, baba sikuluhile ni ku ikela. Na komoka, kisikamañi se Ni kaeza, kisikamañi se Ni kaeza, O Mulena? Kana kuna ni sesiñwi, Mulena? Haiba kulukela kuba ni kukutaza kokuñwi, litapelo zeñata, lika kaufela mwa buñata, uni tuse, Mulena, kuli Ni kone kutisa Liñusa kwa sicaba. Kisikamañi se Ni kaeza? Kono bona bazwelapili ku Li hana. Aku eze limakazo za Hao zetuna ni kupeta liponiso za Hao, mi kanti batu banze ba i fitelela feela. Haki kuli Mañolo a Hao alukela ku talelezwa, kana kona nako yeo “Hakuna mutu ya ka taha ku Na konji Ndate A mubize, mi kaufela be Ndate a Ni file ba kataha ku Na”? Mulena Mulimu, ualabe kakusasana wo kuli batu bazuhe ni kubona sisupo sa mafelelezo se sa lifasi. Na lapela, Mulimu, kuli Uka alaba sesiñwi kwa sicaba.

¹⁵⁷ Ufuyole sicaba sesi likani se kakusasana wo. Mulimu, ukale ka Muzwale Neville, Mulena. Ufolise mubili wa hae. Wa kula ka kusasana wo, Mulena, kukula mwa mba. Ni lapela kuli lizoho la Hao la kufolisa libe fahalimwa hae. Nyunga moyo wa hae.

¹⁵⁸ Mulimu, aku zamaye mwahala puteho ye. Kuna ni baana ni basali babali mo bo Ni sike nabona hape kufitela lizazi la katulo, fo Ni lukela ku yo fa pihoo. Kono Ni balile Linzwi la Hao, “Munyako wa kumbana, mi nzila ki yesisani, mi ki ba banyinyani baba i fumana.” O Mulena, se ha sibe sani “ba banyinyani,” babañwi ba kubona, Uka eza cwalo, Mulena? Ualabe seo ku mutu kaufela mo.

¹⁵⁹ Ni lapela feela sina mutu mwakona ku lapelela. Mulena, batu ba bakona kuni ezeza lika kaufela, ka ze lukela ku nitusa. Haiba ne Ni lapile, nebaka ni fepa. Haiba Ne ni ka tokwa suti, neba kai leka. Neba ka ya hamoho nina kuyo leka mota, ku kutaza Evangeli. Baka eza sika kaufela ka nzila yani. O Ndate, tatuba mioya ya bona kakusasana wo, shangwe ueze, ni bona ba i tatube fa pila Hao. Ha ni zibi, Ni sepa kuli mutu ni mutu wabona umwahala Baketwa. Mi ubeye nina fani, cwalo, Mulena. Mi haiba kuba ni libaka la kuli Ni palelwa kuyoba teni kwani, Mulena, Uni patululela zona, Ni ka li kondisa ona fa. Ni bata kuba ya sepahala, Mulena, kuli kakusasana

wani kusike kwa yo ba butata fa nuka. Ni bata kuya ka lizazi lani. Mi ha Ni zibi zeo folika yobela, ikona kuba neba kacenu. Kacwalo, ni tuse kuli nizibe, utuse sicaba se kuli sizibe.

¹⁶⁰ Mi halubona lipilu zaluna kuli hali tokomeli! Oh, lu ikola kuteleza Liñusa lelinde fa silimba, kamba kuya kwa keleke. Lwa itumela ka Liñusa lelinde. Haluna taba ka ku bulela kaza Jesu kokuñwi. Kono, Mulena, kana sibi ki mutiyo tuna ku luna, mi sitisa mioko mwa meto aluna, kuhuwa ni kulila ni si lwanisa, lika kaufela, bumaswe bobu ezizwe mwa muleneñi? Mulena, Lingeloi la Mulimu hali bone zani ku luna, ni ku lu swaya. Ualabe, Mulena.

¹⁶¹ Nihakuba cwalo utahe, Mulena Jesu, cwale mi u lukise lipilu zaluna, ni kulufa lisupo za Hao za niti zakuli U mwahala luna, kuli luzibe kuli lwa amuhela—amuhela sisupo sa mafelelezo kusika feela kale lusika lo.

¹⁶² Mi lwa bona bunyazi, fo baana baba pila mwa naha babona limbututu ze pepwa ki basali ba baana basili, ni—ni basizana baba nyinyani mwa mikwakwa, mi mianda yabona izwa mwa likolo mwaha ni mwaha mi bafetuha boma mwa bwanana, mi haku sana likute, ni kamo basali bafetuha ba milyani, bonabañi, ka kuzuba ni—ni ku nwa, ni li televishini ni zeñwi cwalo ze lyanganisa minahano ya banana. O Mulena, lika yema nako yekuma kai? Mi Wena, Mulimu ya Kenile!

¹⁶³ O Ndate, Ni—Ni ikutwa kuli sesiñwi sesinca silukela ku ezahala kapili, Mulena. Hani zibi sa kueza, kono Na lapela, Mulena, kuli Uka beya sika sa kueza mwa lipilu zaluna. Ualabe lika ze, Mulena. Lwa li kupa ka Libizo la Jesu. Amen.

¹⁶⁴ Nako i sutelezi. Mutu kaufela ya nahana hande, waziba kuli kuna ni sesi lukela ku ezahala. Hakuna mutu mwa muyaho wo, yana ni ngana hande, kono luziba kuli lifasi le halikoni ku yema mwatasa miinelo ye.

Ha lukoni ku yema, balikani. Hakuna ni haiba taba iliñwi, kakuba mulisana wa mina ni muzwale wa mina, hakuna nihaiba nto iliñwi ye Ni kona ku miisa ku yona haisi ku Jesu Kreste. Hakuna nihaiba taba ye Ni ziba. Munahane feela lika ze polofitilwe kutaha ku sikaba kale Kuungelwa, lika kaufela ze Ni ziba litalelelizwe.

¹⁶⁵ Mu li, “Kucwañi he ka swayo ya sibatana?” Zeo lika taha mwa Nyandiso. Haili Keleke ikabe iile kale fo. Haina ku swaya ba, ba bakabe baile, mwabona. Swayo isweli ya fiwa ona fa. Ku swaya ki ponahazo feela, mufuta. Musabele ku Mulimu, musabele ku Yena kapili!

¹⁶⁶ Na komoka kakusasana wo, halunze lu libelela fa muzuzu feela. Mi Ni ikutwa inge kuli mwa libelela. Na—Na kona ku utwa maikuto amina, mutu ni mutu wamina ulika ku nahana kuli, “O Mulimu, ni tatube!” Cwalo kona mo Ni i utwela,

nina. Ni lemuha kuli Mañusa a swana sina a, mulikani, aki azibahala mwahala batu. Wa ba nyaza ni ku-. . .wa—wa ba kutisa mwatasi. Kuna ni ya lukela kueza cwalo. Ni lakaza kuli kambe ki mutu usili feela. Kono haiba taba ye iwela na ku ieza, haiba Ni lukela kuba musali ya tapisa, ni be ya tapisa. Haiba Ni. . .Davida naize, “Kihande nibe sitauliso sa kwa mautu kwa Ndu ya Mulimu, kufita kupila mwa li tende ni sibi.” Yeo ki niti. Kaufela seo Mulimu abata kuli u eze, u sieze. Usike wa swaba. Haiba kuna ni. . .

¹⁶⁷ Mi, muhupule, Na ziba kuli yeo ki taba yetuna. Muli, “Muzwale Branham, ubulela kuli ki mioyo ye ketalizoho ka yemilalu yeka piliswa?”

¹⁶⁸ Ha ni zibi baba ka yo piliswa, ha Ni koni ku mi bulelela. Kono Ni bulela taba iliñwi: ikaba ba banyinyani, mwa lizazi sina le. Munahane feela, mwa lizazi lani la Na li kulona, ki ba bakai bene ba pilisizwe. Munahane ka lizazi la Nuwe, ni lizazi la Lota—Lota, ni bona kamukana, Na ize, “Kona moku kabela ha kataha Mwana mutu, kakuli, munyako wa kumbana, ni nzila ki yesisani.” Mwa bona, mukena teni munosi, ni Yena, mi kona cwalo. Mwabona? “Mi ki baba nyinyani baba i fumana.” Ki babakai baba lumela kuli yeo ki Niti ya Evangeli? Jesu Kreste nabulezi kuli, “Ki ba banyinyani baba i fumana.” Ki basika i feela. Ube alimuñwi wa bona. Na ziba seo si buhali, za katalisa. Mi zani katalisa fa kuli bulela, kaku mi utwela lilato la butu, kono lilato la Mulimu la ni hapeleza ku mi bulelela.

¹⁶⁹ Cwale, ona Moya o Kenile oswana ono belekile ku Abrahamama, ana belekile mwa mazazi a Kreste, na sepisize kuba mo kuli aeze lika ze swana. Uteñi mo. Cwale, haiba Ni mi bulelezi Niti, Mulimu una ni kuyemela Niti yeo.

¹⁷⁰ Haiba ha Ni buluki manzwi aka, Na hani mutu wa manzwi aka. Haiba ha mu buluki manzwi amina, ha mu batu ba manzwi amina. Cwale, Na kona ku mi sepisa sika mi ha Ni si ezi, kono—kono Ni ka to mi bulelela. Haiba Ni mi kolotezi sika, ni ku mipatela sona, Ni muipi. Haiba Ni taha ku mi bulelela kuli, “Ni mi kolotezi, kono ha Ni koni ku mi lifa, kono Ni ka eza kaufela ze Ni kona,” fohe muka ni swalela ni ku nitusa. Mwabona?

¹⁷¹ Kaufela luna lu kolotezi Mulimu sesiñwi. Lu Mu kolotezi bupilo bwa luna. Lube baba sepahala ka bona. Kuya kwande ni kubulela kuli. . .Musike mwali, “Kulukile, cwale mutalime, Niwa—Niwa Presbyterian. Niwa Methodist. Niwa Pentekota. Niwa Church of God. Niwa Nazarene. Niwa Pilgrim Holiness.” Usike wa hupula ze cwalo! Kukaba bo lule ba bona mwa lihele. Ube Mukreste, ku Kreste.

¹⁷² Kiba bakai ba bakali, “Muzwale Branham, uni hupule mwa tapelo, Ni bata ku yema?” Mulimu ami fuyole.

¹⁷³ Mulena, Wa bona mazoho abona. Nako ki ye, Moya o Kenile o mutuna uyambalakani muyaho wo kakusasana wo.

Ni lemuha Pata ya Hao. Ni lemuha kuli Uteni mo ku kuteka Linzwi la Hao, “Na nili Mulena nicezi, mi Ni ka selaela musihali ni busihu, yomuñwi akaswana a li kumula mwa lizoho la Ka.” No lumile Linzwi la Hao kutoeza mulelo, mi Li ka—Li ka ba ni kuezwa cwalo, Mulena. Mañolo ali Wena Uya swana maabani, kacenu, ni kuyakuile.

¹⁷⁴ Neba sike ba lumela, batu bani mwa mazazi a Hao neba sa lumeli kuli Moya o Kenile noli ku Wena. Mi Wa ikeza ili Wena (unzoli Mutu) kuba Mulimu, yeli, Noli Mwana wa Mulimu ya pepilwe ki mwalyanjo yana tile mwa lifasi kuto lu liulula kwa libi zaluna. Mi kakuli neba boni Moya wa Mulimu ku Wena, neba likile ku li shutanisa. Mi No ba bulelezi, Mulena, “Ha ki Na ya eza misebezi, ko Ndate Ya pila ku Na. Kiyena ya eza misebezi. Haiba ne mubiza Abrahamama kuba ‘ndate.’ Abrahamama naboni zazi la Ka.” Luli, nali boni, hana boni inza yemi bukaufi ni Yena, na Mu boni inza eza misebezi yani ni sisupo. “Na boni lizazi la Ka mi anyakalala.” Ali, “Mwa fosa, ka kusa ziba Mañolo kamba Mata a Mulimu, mane kuli Mulimu na ape size mwalyanjo, ni kupepa Mwana mushimani (ka kupepwa kwa bwalyanjo) mi Ato pila mwahala Mata a Hae, kuyena Mutu alimuñwi.”

¹⁷⁵ Ni mwa Na kona kungela Mali aswana ani kuzwa mwa Mubili wani wa Na file kakuba Sitabelo, ni kukenisa sicaba seo Yena muñi na kapila ku sona, ku zwelapili musebezi wa Hae kuisa mafelelezo amande! O Mulimu, aku zuse batu kuli babone zani. Uli pete. Uphilise kaufela yana nanuzi lizoho. Ukenise lipilu za bona. Mulena, mazoho aka ananuzwi. Uni kenise, O Mulena. Ye ki ndu ya sikuluho. Se kona sibaka kolu lukela ku tapiswa. Tuhela Moya o Kenile ku lu tapisa kakusasana cwana, mi u lukenise kwa kubola.

¹⁷⁶ Lwa lapela, Mulena, kuli hakuna kuba mutu ya kazwa mo kono konji yaka tala Moya wa Hao. Mwendu hakuna kuba ni maikuto amañwi azwelela kwande ha lika ezahala. Kono, Mulena, aku kene mwahali, uyayule sikapi mi ulu bonise seo luli sona, Mulena. Uli pete. Mi ulutalise ka Moya wa Hao, ka pilu ye lukile ni ka niti. Mi mwa nako ye ya nyandiso ni miliko ye mituna, Ube yomunde hamunati ku luna halunze lu zamaya, lunze lu libelela lizazi lani. Fo mioko hainze suluha fa malama aluna, ka libi za muleneñi, cwale Moya o Kenile ha talime fafasi mi abulele kuli, “Kuna ni alimuñwi ye Ni kona ku swaya, ki wa Ka muuna yani, ki wa Ka musali yani.” Uli pete, Mulena. Ha ufumaniwe mwahala luna kacenu. Lwa li kupa ka Libizo la Jesu. Amen.

Ha Ni taha kwa nuka mwa manzibwana,
Fo mañungwa ha sa kuzize;
Ku nani Ya ta ni bonisa mwa nzila,
Hani sili Jordani ni nosi.

Hani sili Jordani ni nosi,
 Jesu ushwezi libi za ka;
 Niha Ni bona lififi, Uta ni litela,
 Hani sili Jordani ni nosi.

¹⁷⁷ Ni bata ku Mu ziba cwale. Nga lizoho laka, Mulena yomunde, uni etelele, ni konise kuyema. Ni kone kuyema fa, Mulena, kulwanisa lika kaufela ze bizwa bumaswe, lika kaufela ze bonahala bumaswe. Hanina taba ka za bulela mutu, ni konise kuyema, Mulena. Ha Ni petile ze Ni kona kaufela, nituse ni yeme. Nga lizoho laka ni kuni hoha ka lona, Mulena. Eza sesiñwi, ni konise kuyema. Lika zani ha litaha, ni minyaka ya lifasi le ni ze bonahala za lona kaufela ni kanya ya lona; fougaza meto aka ku zona, ni bata feela ku Mu bona Yena yana ni shwezi. Haiba litokwa mulikani ye Ni nani, haiba litokwa kaufela ze Ni nani; sani ha si talusi taba yeñwi, Na libeya kaufela fa katala. Kona cwalo, ni konise kuyema ka likute. Mi zazi leliñwi moya hauta ni nata fa pata, mi Ni ziba kuli pilu yaka seiile ni mazazi aka afelile, nako yaka hase i felile ni kadi yaka ingilwe fone ibeiwanga, ha Ni lati kuyo sila Jordani ni nosi. U ka ba teni. Eeni. Ha Ni tabona lififi, U ka ni litela, Ha nina kusila Jordani ni nosi. Haiba Ni yemela Yena cwale, Uta ni yemela nina. Nika pilela Yena ya Na ni shwezi, ki tabo ye cwani yeo bupilo bwaka bu kaba ni yona. Cwalo kona mo Ni batela kuyema.

¹⁷⁸ Na sepa kuna ni batu ba bakula. Kana nafilile makadi nji? Ni libezi. Kana neba file makadi nji? Kuna ni makadi afilwe nji? Kana kuna ni yana ni kadi ya tapelo? Batili.

¹⁷⁹ Ni litezi feela Moya o Kenile. Haiba mukona feela ku lumela, mube feela ni tumelo, musike mwa kakanya. Haiba Mulimu uka ni patululela matata amina... Seo kaufela sili sona, Na hani zibi; haiba mu nanula mazoho amina, ha mu ni zibi ni Na hani mi zibi. Mi haiba Mulimu uka patulula fa, kikuli muka lumela kuli ki Lingeloi leli swana lani lene li tisize Liñusa ku sikaba kale sinyeho kwa mulaho kwani, ikaba Lingeloi leli swana lene litisa liñusa onafa kusika ba kale sinyeho. Kana mwa lumela cwalo? Haiba mwa lumela, mu nanule mazoho amina. Ku lukile. Ku lukile, cwale Mulena ali pete.

¹⁸⁰ Uinzi bukaufi ni na. Kuna ni yomuñwi yainzi bukaufi ni na, ki Musala bo Snyder kwanu, kamba Musala bo Murphy kwanu, seo libizo la hae lili sona, yainzi ona fa. Na ba ziba.

¹⁸¹ Na hani muzibi muuna yo, ki mueñi kuna. Kono Mulimu wa muziba. Haiba Mulimu uka li patulula cwale, ki babakai ba mina baba ziba ha ki... .

¹⁸² Musike mwa ni talima. Mawi, Ni mutu wa mwa Kentucky, kuya ka mo likona kubela. Na—Na hanina nihaiba tuto yeñata, ni hanyinyani, ya—ya kuñola libizo laka. Kono kuna ni nto

iliñwi ye Ni ziba, Ni ziba Yena. Mi seo, zani—zani kona ze Ni tokomela ku ziba. Cwale, musike—musike mwa iseza ngana kwa sikuwa saka.

¹⁸³ Mi mukona ku nahana kuli kutazo yaka kakusasana wo nei zwile mwa nzila, muiyale hande ka Bibeke nako yeñwi mi mubone haiba ha mutahi fa noto. Mubone haiba mutalimelo wa mina hau sika luka ha mu—ha mu ibeya fateñi. Musike mwa itoma ka mihupulo ya mina bañi, kono mu itomahanye ka Sa bulezi. “Munyako wa kumbana, nzila ki yesisani, mi ki ba banyinyani baba i fumana; kakuli nzila yeya kwa sinyeha iatami, mi munyako uatami, mi ku ka kena ba bañata kuona,” bo lule ka bo lule baka kena ku ona. Alimuñwi kuba baeza lule kona mo ku kabela. Kifo he cwale. Seo kona sa Na bulezi. Cwale, Ha sika bulela nombolo yani, kono Na ize, “Ona mone kubezi mwa mazazi a Nuwe, mioyo i ketalizoho ka ye milalu. Ona mone kubezi mwa mazazi a Sodoma, babalalu.”Kuzwa mwa nyangela tuna, babalalu ne ba pilisizwe, ka mulilo. Kona mo ku kabela!

¹⁸⁴ Cwale, haiba mutu ki wa moya luli, Ni bata kuli utalime ku muuna yo yainzi fa, uni talimile ka ku swalelela mwa konela. Na nanuzi lizoho la hae, Na hani muzibi; hani sika mubona kale, mi ha Ni zibi ni zekana ka yena. Uinzi feela fani inza ni talima. Kono, mwabona, usweli kuba ni swalisano, wa lapela. Cwale, yeo ki niti. Cwale, haiba Mulena uka ni bulelela. . .Muuna yani yainzi kwa hule nina, mi kwa ki kukopana kwa luna kwa pili, mi yena uinzi fani. Haiba Mulena uka ni patululela seo—seo sesi. . .Na—Na hani koni ku mu folisa. Hani folisangi, Hani koni kueza cwalo, kakuli Mulimu uli ezize kale zani. Kono lika ekeza tumelo ya mina. Mañi ni mañi wabona cwale, Uteñi ona fa, ona Moya o swana. Mi muhupule, Jesu na sepisize se, ku sikaba kale nako ya maungulo. Ibanga sisupo sa mafelelezo kamita.

¹⁸⁵ Ka zazi leliñwi, Leo ni Na nelu inzi mwa mukwakwa, mi babañwi ba luna nelu ikambota. Mi Ni ikutwa kuli kuna ni cincheho ye taha, cincheho ye taha. Hane lu ambola ka yona, haina kuba cincheho mwa bulumiwa bwaka, kakuli haikoni kuba isili, kono ikaba cincheho ku na. Nibile ya fokola kamita mi batu banze ba ni zamaisa, ni ku ni luma nzila *ye ni yani*. Kambe ne Ni kaeza sakile ani bulelela Mulena kueza kale kale, Ne ni sike naba mwa butata bo Ni li kubona kacenu. Naya kwande sunda ye kuyoba ni nosi ni Mulimu. Eeni, sha. Ni—Ni lukela ku utwa kuzwelela kwa Lihalimu. Ha nilati kuba ya fokola, Ni bata kuyema fa ku ikolwisisa kwaka.

¹⁸⁶ Muuna, linze li sweli ku kutela kuyena, uinzi kwa mulaho waka, kakuli muuna yani wa lumela, luli fa wa lumela. Ni talima batu kai ni kai, mi si kuta feela ku libana ni muuna. Una ni sa tokwile, uimezwi, kono yena una ni buima bwa yomuñwi. Yeo ki niti. U lapelela mutu yomuñwi. Una ni mutu yomuñwi mwa pilu ya hao. Yeo ki niti, nji cwani? Ki mulikani.

Haiba Ni ku bulelela butata bwa mulikani yo, kikuli uka ni lumela kuba mutanga wa Mulimu? Ki bu cacolwa. Yeo ki niti. Haiba yeo ki niti, nanula lizoho la hao.

¹⁸⁷ Kana wa lumela? Kuna ni yana nanuzi lizoho la hae kwanu, musali kwa mulaho kwanu, yomuñwi. Ee. Eeni. Ha uni zibi? Ni mueñi ku mina kaufela? Ha ni mi zibi, kono Mulimu wa mi ziba. Mwa lumela cwalo? Haiba Mulimu uka patulula kuna sesili mwa pilu ya hao, kana uka ni lumela kuba mutanga Hae? Musizana yomunyinyani, so bilaela ka sona ki mbututu yani kwani. Yeo ki niti. Mi mbututu yani una ni lukwekwe fa pata ya hae. Mualafi hakuna sakona ku eza kasona. Wena u mueñi kwanu, mi wena ni mulatiwa wa hao muinzi fo. Wa lumela Mulimu wa kona kuni bulelela kuli ki wena mañi ni ko zwelela? Wa li lumela? Kana uka amuhela foliso ya mbututu haiba A lumela? [Musali ubulela kuli, “Eeni.”—Mu.] Ku lukile, wakona ku kutela kwa Somerset, Kentucky, kona ko zwelela. Mi ulumele kuli ukaba hande, lukwekwe lwa hao luka siya mbututu yani haiba wa lumela.

¹⁸⁸ Hane Ni bulezi linzwi lani, yomuñwi ya yemi kwa mulaho kwani mwa muyaho, yazwa kwa Somerset, Kentucky, wa lapela, una ni butuku bwa pilu. Mwa lumela kuli Mulimu uka mu folisa? Haiba mu lumela ka lipilu za mina kaufela, ni ku lumela kuli Mulimu uka folisa ni kubisa hande.

¹⁸⁹ Kwanu, kiyoye fa, Ni lumela kuli lizoho la yomuñwi ne li nanuhile kwanu, hamoho cwalo, ni musali. Ee, Ni boni lizoho la hao. Na Ni mueñi ku wena, musali? Hani ku zibi. Ha lusika kopana kale. Kana wa ni lumela kuba mutanga Hae? [Musali uli, “Eeni.”—Mu.] Wa lumela? Una ni mutiyo mwa pilu ya hao, kamba sesiñwi. Wa lumela haiba Mulimu wakona kuni patululela, wa lumela kuli Ki Moya o swana onoli ku Kreste? Muuna hao uinzi fani, ulumela nto ye swana, niyena? Kana uka lumela nto ye swana? Ki musizana wa hao yo munyinyani yainzi fo. Yeo ki niti, una ni kansa. Kono kana wa lumela kuli Mulimu wakona ku mufolisa? Haiba u lumela, nanula lizoho la hao. Ku lukile, kambeka mazoho a hao ku mwana.

¹⁹⁰ Mulena Jesu, fa Pila Moya wa Hao, Ni omanyanya diabulosi ya sweli ku bulaya mwanana. Ni beya, ka tumelo, Mali a Jesu Kreste mwahala mubulai yani ni mwanana. Tuhela a pile. Amen.

¹⁹¹ Mube ni tumelo ku Mulimu. Musike mwa kakanya. “Haiba wa kona ku lumela, lika kaufela za konahala.” Haiba wa kona ku lumela, lika kaufela za konahala. Kulukile.

¹⁹² Kuna ni yana nanuzi lizoho la hae kwa mulaho kwani, kokuñwi, wena, musali kwani kwa mafelelezo. Wa ni lumela kuba mutanga wa Mulimu? Na hani ku zibi, ha uni zibi. Wa lumela kuli Mulimu wa kona ku patulula ku na butata bwa hao? Kana wa amuhela Jesu kuba Mufolisi wa hao kamba Muboneli, kaufela seo sili—kaufela seo sili sona. . . ? Wa lumela

cwale? Ku lukile, konakuli maikuto a ku ikalelwa ono nani, kona so no nani. Haiba yeo ki niti, aku yeme, haiba yeo ki niti, ili kuli batu babone kuli ki niti. Ku lukile, sika ku tuhela cwale. Kuta kwa hae u ikete. Mulimu aku fuyole.

Uzwa kwa Kentucky, ni wena. Uh-huh, yeo ki niti.

¹⁹³ Musali yainzi bukaufi ni wena uzwa kwa Kentucky, ni yena. Kona kwazwa, hamoho. Hani ku zibi, nji Na kuziba? Kono Na kona ku kubulelela kuli kuna ni sesi fosahalile ku wena. Haiba Ni ka kubulelela sesi fosahalile ku wena, uka amuhela Kreste kuba Mufolisi wa hao? Ki mwa noka ya hao. Haiba yeo ki niti, nanula lizoho la hao, mwa halimu kuli batu ba bone. Ku lukile, zamaya kwa ndu cwale, sika ku tuhela. Tumelo ya hao i kufolisize.

Ni mi laela kuli mulumele. Ni laela tumelo ya mina kuli i lumele.

¹⁹⁴ Fa ku inzi musali kwanu, wa lapela, una ni kataulo kwa pata ya hae. Ha ni kuzibi. Mulimu wa ku ziba. Wena uzwa kwa Joliet, Illinois, mi u luluhile. Yeo ki niti luli. Wa kona ku komoka . . . (Eeni, yani kiyena—yani kiyena musali yana tisize Rosella. Yani ki niti. Libelela, na ni bulelezi ka zateñi, kono na sa zibi kuli ne Ni sa muzibi musali wateni. Yeo ki niti. Ku ezahalile feela kuli tumelo ya musali neli ye tuna.) Ni ka mibulelela taba iliñwi mwa—mwa ziba kuli ha Ni zibi. Usweli ku lapelela mwana yo yainzi kwa mafelelezo a sipula, ya kula. Yani ki mwana hao. Yeo ki niti. Amen. Wa ziba ne Ni sa zibi zeo.

¹⁹⁵ Ki Sani fale, Ki Moya o Kenile! Kana mwa lumela Cwalo? Kana mwa U amuhela? Cwale haiba yeo ki niti, seo Ni bulezi kaza “munyako o kumbani, ni nzila yesisani” li lukile. Jesu Kreste, Mwana Mulimu, uteni mo cwale. Moya wa Mulimu ya pila uteni mo cwale. Kana mwa U lumela? Konakuli, ku mi zibisa kuli Na hani mutu ya kona ku folisa, Na hani mufolisi, kono Moya wa Mulimu uketile na kuli aiponahaze Iliyena. Na hani sika ituta. Na hanina zibo ya lika kaufela. Kono ki Moya wa Hae oli beleka, mwa bona, mi Yena ubata kuli muzibe kuli Ni mi bulelezi Niti.

¹⁹⁶ Ye ki yona Niti, kuli Jesu Kreste wa mi eza kuba ba bafolile onafa haiba muka lumela cwalo. Cwale onacwalo hamunze . . . Haiba Neli belekile mwa Kingston, ko babuleli, kamba yo kaufela neli yena kwa mulaho kwani, nili boni ha Li beleka mwa Kingston, ba likiti haba foliswa, kiñi ha Li sike za beleka mo mwa America ko luna ni miinelo ya zona cwale? Kiñi halu sa lilumeli? Kakuli halukoni ku picuka sibaka sani kwapili kwani. Kana mwa lumela? Mu nanule mazoho amina.

¹⁹⁷ Cwale, mazoho aswana ani, u kambeke ku yomuñwi yali bukaufi ni wena, ni mulapelele kuzwa kwanu, mi musike mwaba ni ku kakanya ni hanyinyani, se sika si felisa.

¹⁹⁸ Oh, Muzwale waka, Neville! Mo Ni lakaleza, kamo Ni lapelezi, kamo Ni . . . Mukona ku hupula kuli Ni inzi kwa tuko aka; Hani cwalo. Na ziba hande fo Ni yemi. Kambe feela

Nikona ku tisa taba nyana ye kumina! Kana mwa lemuha kuli Jesu Kreste, Mwana Mulimu, mo mwahala batu kakusasana cwana, ona fa, uteni ona nako ye, wa iponahaza Iliyena?

Kulukile, mu li, “Muzwale Branham, *no* bulezi kuli.”

¹⁹⁹ Kana Ni bulezi cwani? Na hani kuzibi. Kuna ni musali yomuñwi wa TB. Ufolisizwe, kezeli. Aku fuyole. Mu ni swalele, no sweli ku lapelela musali ya kula TB, kakuli ki musali yana ni limbi. Ee. Ku lukile, mu lumele. Ku lukile. Uteni mo. Ki Pata ya Hae.

²⁰⁰ Cwale, kise sa Na bulezi, “Lisupo ze lika latelela ba balumela. Ha ba ka beya mazoho abona fa bakuli, baka fola.” Kana Ukona kupuma cwani? Mwabona, haki ka Yena, haki ka na, cwale ki ka mina. Cwale mu lumele.

²⁰¹ Ni sweli kutalima musali wa sanana ya inzi kwa mulaho kwani onafa, una ni tumelo yeñata. Yena ni muuna hae kona basa zo taha ku Mulena. Uinzi ona mwa mukopano wo, nana ni sitombo seo baalafi nebaka yo pazula, mi mbututu nanzi bukaufi ni kupepwa. Mi baalafi neba ka mu pazula kasamulaho, kono mbututu nei pepilwe mi habasa kona ku fumana mutuba ni hanyinyani. Kaufela li felile. Mwabona? Kiñi? Uinzi feela ona. . . Asika ba kale kwanu kwa katala sina cwana. Nainzi ona kwa mulaho kwani sina cwalo. Ki niti yeo nji, Musala bo Green, Na lumela ku cwalo, kwa mulaho kafo? Yeo ki niti. Mwabona lizoho la hae? Baalafi mane ba palezwi kufumana niheba pazo, kaufela li icongile. Kiñi? U lumezi, na zwezi feela fande mi ali, “Ki niti!”

²⁰² Cwale mueze ze swana, mi butuku kaufela bo mu nani buka mi siya. Mulimu, Ya kona—Ya kona ku luma Sika mwa mubili wa mutu, kwa si moya sani sa meno a noha yene lumile muuna yani kwa liutu, kubeya mabeela, aku mu bulaya, mi wa kona ku bu tuhelisa ni ku i bulaya ona fani, kana U kona cwani ku bulaya butuku mwa mubili wa hao. Kakuli, muuna yani nali mwa ñalelwa mi na tokwa tuso. Mwa lukela, ni mina. Haiba hamuna yona, mwa shwa.

²⁰³ Cwale mu kambeke mazoho ku yomuñwi. U sike wa itapelela, u lapelele mutu yali bukaufi ni wena. Bwani ki Bukreste.

²⁰⁴ Muitute se, muitute se, kuli, hamunze mu ezeza babañwi, mu ezeza Kreste. Ha muba ba bande ku yomuñwi, muba ba bande ku Kreste. Haiba mu nyandisa yomuñwi, mu nyandisa Kreste. Oh, mawi!

²⁰⁵ Oh, haiba Ni kona feela kunga se kuli si zwelepili, kambe Ni kona feela kuesa kuli batu ba si bone, sona se Ni talima ni mo Ni ikutwela, ni se Ni ziba kuli sa ezahala, mwabona. Kamo Kreste akashelize Liñusa lani kakusasana wo, kufita mwatasi a lipilu za batu ni ku bupa sesiñwi mwateñi; isiñi ze tabisa, isiñi maikuto (oli tahanga ni zona), kono ku bupa tumelo yesa shwi mwani yesike yali, ufe siemba nyana ku sila.

206 Cwale, Uka utwa tapelo yaka, Uka utwa ni yamina. Mu lapelelane yomuñwi ni yomuñwi cwale, ha Ni nze ni lapelela mina kaufela.

207 O Mulena, kolo ye tata cwana ye, lu lemuhla kuli se sika talusa shutano yetuna mwahala lifu ni bupilo, ku babañata. Mi Na ngangama fa Pila Hao, kakuli Na ziba, Mulena Mulimu, kuli Ni lukela ku lapela ka pilu yaka kaufela. Ni lemuhla kuli niha kusike kwaba mutu mwahala luna ya kula ka mizuzu i ketalizoho ye tatama, kuli mutu kaufela uka lemuhla kuli U teni mo. Kiba bayemi fa kakusasana cwana, Mulena. U tuhezi kuli batu bani ba nanule mazoho abona ba baziba kuli Na hani bazibi, mi hakuna ni sesikana ka bona. Kono Moya wa Hao wa baziba. Wa ziba kunutu ya lipilu zabona, kana U ziba cwani kaza manyando abona ni ku katazwa! Fohe, Mulena, hakube cwalo kacenu, hakube cwalo nihaiba cwale kuli Moya wa Hao uka swala mibili yabona yekula. Uli pete, Mulena. Basweli ku lapelelana mutu ni mutu.

208 Mi Na lapela, Mulimu Yomunde, kuli Moya o Kenile uka li zibisa ku bona, kuli basike ba li hana ni kamuta. Mi kuna ni butuku bobuñwi, Mulena, bobu tuna hahulu kufita butuku bo, ki butuku bwa moya. Pilu kaufela ha ikwaluhe.

209 Mulena, kukona kuba cwani kuli No yemi bukafu ni Abrahamama, ni kueza lika ze swana ze, ku bulelela Sarah ya nali “kwa mulaho” Wena, Mañolo abulelela kuli, “mwa tende na sehile,” mi Wa mu bulelela. Mi Abrahamama na lemuhile kuli yani neli Elohim, Mulimu yo mutuna. Mwa mizuzu ye minyinyani No zwile mwa meto ahae.

210 Mi, Mulena, fani Jesu hana yemi ni kueza lika ze swana, mi ali, “Mina mubiza Abrahamama kuba ‘ndate,’ mi ibo muli mwa ziba Mañolo.” Ali, “Mwa fosa, ka kusa ziba Mañolo kamba Mata a Mulimu.” Mi ba Mu biza kuli “Balezebubi.”

211 Kono No sepisize kuli mwa mazazi a mafelelezo Uka sulula Moya wa Hao hape. Mupolofita naize, “Mwa nako ya manzibwana ku kaba Liseli.” Mi ki luna bao fo.

212 Ka nako yeo lifasi le la bunyazi hali li mwatasa sibi, sina muuna ya kozwi atantalika busihu kuya kwa hae, cwanoñu uka latelwa mwahali, hakuna kuba mufuse wo buhali, ni hanyinyani, oka siala. Mi lubona nako inze iya.

213 O Mulimu, aku zuse ku kakanya kaufela ku luna. Ulu kenye mwahala sikwenda sani ona fa. Taha, Moya o Kenile. U namulule mafufa amatuna a Hao, u ambame fa halimu a sicaba sa batu se ona fa, mi wena Kasibili uikenye mwa lipilu za bona, mi bazibe kuli Uteni fa Pila Bumulimu, kuli ki Wena, “Ki na Mulena Ya folisa matuku amina kaufela.” Mi cwale Pata ya Hao ieze sesiñwi kwa lipilu zabona ze ka batusa kuzwa mo, kakusasana wo, ku lumela ka zeli mwahali ku bona kaufela. Mi mutu kaufela yakula afoliswe.

²¹⁴ Kakuli, kakuba mutanga Hao, Ni yema ni kunyaza diabulosi kaufela, kunyaza butuku, kunyaza Satani.


²¹⁵ U luzize, mi ha u sesiñwi kono u lihata. Mi lu biza lizoho la hao fateñi kakusasana wo, ka Libizo la Jesu Kreste. Mi kakuba mutanga Hae, ya kutaza Linzwi la Hae ni ku bulelela batu Niti, kuli ba be hande mi ba zamaelele ni Linzwi la Mulimu, Na ku omanya, Satani, ka Libizo la Jesu Kreste. Uzwe ku mutu ni mutu wa sicaba se ya zwile kwa hule ni fa kaufi, kuto foliswa. Uzwe mwa sicaba se ni mwa batu ba. Na ku kalimela ka Mulimu ya pila. Mi Bibeke iize kuli, “Tapelo yetuna, ye ezwa ka tukufalelo ya mutu ya lukile ina ni mata amatuna.” Mi baana baba lukile babañata ba beile mazoho abona fa bakuli, kakusasana wo kwanu. Oh, Satani, ubata kubanahanisa kuli ki na, mi uba amuhe kanya kuzwa ku bona. Kono ki tumelo yabona ku Mulimu, hape, ba lumela Mulimu! Mi wena ulukela kuzwa, ka tumelo yabona. Kacwalo ba ni musipili kuzwa mo, ni kuya kwa lififi la kwande ko upila. Na ku omanya, ka Libizo la Jesu Kreste, ka mata a Bibeke ya Mulimu, tumo yaka ka Lingeloi. Cwale zamaya, ka Libizo la Jesu Kreste, mi ba tuhele ba lukuluhe. Amen.

²¹⁶ Kana mwa lumela, ka lipilu kaufela, kuli mu folisizwe? Mu nanule mazoho, muli, “Na amuhela Jesu Kreste kuba Mufolisi wa ka. Miluti kaufela izwile ku na. Na Mu amuhela cwale ka mutalelela wa mata a Hae, fa Pata ya Hae ye fuyozwi. Na Mu amuhela.”

Ni ta lima Wena,
Ngunyana ya Kalvari,
Mu pulusi;
U twa Na lapela,
Zwisa si bi saka,
Si ke na latehela
Kwa Hu le.

Cwale halu nanuleñi mazoho aluna hamunati luli ku Yena cwale.

Ha ni nze Ni pila,
Mwa hala ku nyanda,
Ee E Telela, O Mulimu;
Fi fi be lizazi,
Ta ku la, mioko,
Si ke na latehela
Kwa Hu le.

[Muzwale Branham ukala ku ñuñuna *Tumelo Yaka, I Talima Wena.*—Mu.] . . . muhau ofumile! 

Keleke Ni Miinelo Ya Yona
(*The Church And Its Condition*)
Muyana 5, 1956, Lasunda Kakusasana

Munyako O Kumbani
(*Strait Is The Gate*)
Liatamanyi 1, 1959, Lasunda Kakusasana

Keleke Ye Pumilwe, Ka Lifasi
(*A Deceived Church, By The World*)
Mbuwana 28, 1959, Lasunda Kakusasana

Mañusa a ka Muzwale William Marrion Branham, na kutalizwe mwa Sikuwa ili fa Branham Tabernacle mwa Jeffersonville, Indiana, U.S.A., mi azusizwe fa tepu ya magesi ya kungela manzwi mi apulintilwe mwa Sikuwa. Toloko ye yamwa Silozi nei pulintilwe niku hasanyiwa kiba Voice Of God Recordings.

LOZI

©2015 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org